

# बुद्धवंसो

राहुलसङ्किरुचानेन  
आनन्दकोसल्लानेन  
जगदीसकस्सपेन च  
सम्पादितो

उत्तमभिक्षुना पकासितो  
२४८१ बुद्धवच्छरे (1937 A.C.)



## प्राङ्निवेदनम्

पालिवाङ्मयस्य नागराक्षरे मुद्रणं अत्यपेक्षितमिति नाविदितचरं भारती-  
येतिहासविविदिषूणाम् । संस्कृतपालिभाषयोरतिसामीप्यादपि यत् परस्सहसेभ्यः  
जिज्ञासुभ्यः संस्कृतज्ञेभ्यः पालिग्रन्थराश्यवगाहनं दुष्करमिव प्रतिभाति तत् लिपि-  
भेदादेव । एतदर्थमयमस्माकमभिनवः प्रयासः । अत्र नूतना अपि पाठभेदाः निधेया  
इत्यासीदस्माकं मनीषा परं कालात्ययभीत्याऽत्र प्रथमभागे धम्मपदादन्यत्र न तत्  
कृतमभूत् । अधोऽटिप्पणीषु सन्निवेशिताः पाठभेदाः । प्रायः Pali Text Society  
मुद्रितेभ्यो ग्रन्थेभ्य उद्धृताः ।

अर्थसाहाय्यं विना अस्मत्समीहितं हृदि निगूहितमेव स्यात् । तत्र भदन्तेन  
उत्तमस्थविरेण साहाय्यं प्रदाय महदुपकृतमिति निवेदयन्ति—

कार्तिकशुक्लैकादश्यां  
२४८० बुद्धाब्दे

}

राहुलः सांक्रत्यायनः  
आनन्दः कौसल्यायनः  
जगदीशः काश्यपश्च



## सूची

|                         | पिट्ठङ्को |                         | पिट्ठङ्को |
|-------------------------|-----------|-------------------------|-----------|
| १-रतन चङ्कमन कण्डं ..   | १         | १४-पियवस्सि ..          | ४५        |
| २-दीपङ्करो ..           | ६         | १५-अत्थवस्सिं ..        | ४७        |
| सुमेधवत्थु कथा निट्ठिता | १८        | १६-धम्म वस्सि ..        | ४९        |
| ३-कोण्डञ्जो ..          | २१        | १७-सिद्धत्थो ..         | ५१        |
| ४-मंगलो ..              | २३        | १८-तिस्सो ..            | ५३        |
| ५-सुमनो ..              | २६        | १९-फुस्सो ..            | ५५        |
| ६-रेवतो ..              | २८        | २०-विपस्सि ..           | ५७        |
| ७-सोभितो ..             | ३०        | २१-सिखि ..              | ५९        |
| ८-अनोमवस्सि ..          | ३२        | २२-वेस्सभू ..           | ६१        |
| ९-पटुमो ..              | ३४        | २३-ककुसन्धो ..          | ६३        |
| १०-नारवो ..             | ३६        | २४-कोणागमनो ..          | ६५        |
| ११-पटुमुत्तरो ..        | ३८        | २५-कस्सपो ..            | ६७        |
| १२-सुमेधो ..            | ४१        | २६-गोतमो ..             | ७१        |
| १३-सुजातो ..            | ४३        | २७-बुद्धपकिण्णकखण्डं .. | ७३        |
|                         |           | २८-धातुभाजवीयक कथा ..   | ७४        |



नमो तस्स भगवतो अरहतो सम्मासम्बुद्धस्स

## बुद्धवंसो

### १—रतन चङ्कमन कण्डं

ब्रह्मा च लोकाधिपति सहम्पति कतञ्जलि अनधिवरं अयाचथ—  
सन्तीध सत्ता अप्परजक्खजातिका देसेहि धम्मं अनुकम्पी मं पजं ॥१॥  
सम्पन्नविज्जाचरणस्स तादिनो जुतीन्धरस्स' अन्तिमदेहधारितो  
तथागतस्स' अप्पटिपुग्गलस्स उप्पज्जि कारुञ्जाता सब्बसत्ते ॥२॥  
न भो ते जानन्ति सदेवमानुसा बुद्धो अयं कीदिसको नरुत्तमो  
इद्धिबलं पञ्जाबलञ्च च कीदिसं बुद्धबलं लोकहितस्स कीदिसं ॥३॥  
न भो ते जानन्ति सदेवमानुसा बुद्धो अयं एदिसको नरुत्तमो  
इद्धिबलं पञ्जावलञ्च् च एदिसं बुद्धबलं लोकहितस्स एदिसं ॥४॥  
हन्दाहं दस्सयिस्सामि बुद्धबलं अनुत्तरं ।  
चङ्कमं मापयिस्सामि नभे रतनमण्डितं ॥५॥  
भुम्मा महाराजिका तावतिसा यामा च देवा तुसिता च निम्मिता ।  
परनिम्मिता चे पि च ब्रह्माकायिका आनन्दिता विपुलं अकंसु घोसं ॥६॥  
ओभासिता च पठवी सदेवका पुथू च लोकन्तरिका असम्बुता ।  
तमो च तिब्बो विहतो तदा अहु दिस्वान अच्छेरकं पाटिहारं ॥७॥  
सदेवगन्धर्व्वमनुस्सरक्खसे आभा उलारा विपुला अजायथ ।  
इमस्मिं लोके परस्मिं चोभयस्मिं अधो च उद्धं तिरियञ्च् च वित्थतं ॥८॥  
सत्तुत्तमो अनधिवरो विनायको सत्था अहु देवमनुस्सपूजितो ।  
महानुभावो सतपुञ्जालक्खणो दस्सेसि अच्छेरकं पाटिहीरं ॥९॥  
सो याचितो देववरेण चक्खुमा अत्थं समेक्खित्वा तदा नरुत्तमो ।  
चङ्कमं तत्थ मापयि लोकनायिको सुनिद्धितं सब्बरतननिम्मितं ॥१०॥  
इद्धी च आदेसनानुसासनी तिपाटिहीरे भगवा वसी अहु ।  
चङ्कमनं मापयी लोकनायिको सुनिद्धितं सब्बरतननिम्मितं ॥११॥

दससहस्सी—लोकधातुया सिनेरूपब्बतुत्तमे ।  
 थम्भे व दस्सेसि पटिपाटिया चङ्कमे रतनामये ॥१२॥  
 दससहस्सी अतिकम्म चङ्कमं मापयी जिनो ।  
 सब्बसोवण्णया पस्से चङ्कमे रतनामये ॥१३॥  
 तूला सङ्गधाटानुवग्गा सोवण्णफलकत्थता ।  
 वेदिका सब्बसोवण्णा—डु—भतो पस्से सुनिम्मिता ॥१४॥  
 मणिमुत्तवालुका किण्णा निम्मिता रतनामया ।  
 ओभासेति दिसा सब्बा सतरंसी व उग्गतो ॥१५॥  
 तस्मिं चङ्कमने धीरो द्वतिसवरलक्खणो ।  
 विरोचमानो सम्बुद्धो चङ्कमे चङ्कमि जिनो ॥१६॥  
 दिब्बं मन्दावरं पुप्फं पदुमं पारिच्छत्तकं ।  
 चङ्कमने ओकिरन्ति सब्बे देवा समागता ॥१७॥  
 पस्सन्ति तं देवसङ्गहा दससहस्सी पमोदिता ।  
 नमस्समाना निपतन्ति तुट्ठहट्ठा पमोदिता ॥१८॥  
 तावतिसा च यामा च तुसिता चापि देवता ।  
 निम्मानरतिनो देवा ये देवा वसवत्तिनो  
 उदग्गचित्ता सुमना पस्सन्ति लोकनायकं ॥१९॥  
 सदेवगन्धब्बमनुस्सरक्खसा नागा सुपण्णा अथ वापि किञ्चनरा ।  
 पस्सन्ति तं लोकहितानुकम्पकं नभे व अच्चुग्गतं चन्दमंडलं ॥२०॥  
 आभस्सरा सुभाकिण्हा वेहप्फला अकनिट्ठा च देवता ।  
 सुसुद्धसुक्कवत्थवसना तिट्ठन्ति पञ्जलीकता ॥२१॥  
 मुञ्चन्ति पुप्फं पन पञ्चवण्णिकं मन्दावरं चन्दनचुण्णमिस्सितं ।  
 भमन्ति चेलानि च अम्बरे तदा अहो जिनो लोकहितानुकम्पको ! ॥२२॥  
 तुवं सत्था च केतू च धजो यूपो च पाणिनं ।  
 परायनो पतिट्ठो च द्विपो च द्विपदुत्तमो ॥२३॥  
 दससहस्सी—लोकधातुया देवतायो महिद्धिका ।  
 परिवारेत्वा नमस्सन्ति तुट्ठहट्ठा पमोदिता ॥२४॥  
 देवता देवकञ्जा च पसन्ना तुट्ठमानसा ।  
 पञ्चवण्णिकपुप्फेहि पूजयन्ति नरासभं ॥२५॥  
 पस्सन्ति तं देवसङ्गहा पसन्ना तुट्ठमानसा ।  
 पञ्चवण्णिकपुप्फेहि पूजयन्ति नरासभं ॥२६॥



अहो अच्छरियं लोके अब्भुतं लोमहंसनं ।  
 नम' एदिसं भूतपुब्बं अच्छेरं लोमहंसनं ॥२७॥  
 सकं सकम्ही भवने निसादित्वान् देवता  
 हसन्ति महाहसितं दिस्वान' अच्छेरकं नभे ॥२८॥  
 आकासट्टा च भम्मट्टा तिनपन्थनिवासिनो  
 कतञ्जली नमस्सन्ति तुट्ठा हट्ठा पमोदिता ॥२९॥  
 येपि दीघायुका नागा पुञ्जवन्तो महिद्धिका  
 पमोदिता नमस्सन्ति पूजयन्ति नरुत्तमं ॥३०॥  
 सङ्गीतियो पवत्तन्ति अम्बरे अनिलञ्जसे  
 कमन्धानि वादेन्ति दिस्वान' अच्छेरकं नभे ॥३१॥  
 सङ्कखा च पणवा चेव अथोपि दिन्दिमा वहू  
 अन्तलिकखस्मिं वज्जन्ति दिस्वान' अच्छेरकं नभे ॥३२॥  
 अब्भुतो वत नो अज्ज उप्पजि लोमहंसनो  
 ध्रुवं अत्थसिद्धिं लब्भाम खणो नो पटिपादितो ॥३३॥  
 बुद्धो ति तेसं सुत्वान् पीति उप्पज्जि तावदे  
 बुद्धो बुद्धो ति कथयन्ता तिट्ठन्ति पञ्जलीकता ॥३४॥  
 भिङ्गकारं साधुकारञ् च उक्कुट्ठीसम्पसादनं  
 पजा विविधा गगने वत्तन्ति पञ्जलीकता ॥३५॥  
 गायन्ति सेलेन्ति च वादयन्ति च भुजानी पोठेन्ति च नच्चयन्ति च  
 मुञ्चन्ति पुप्फं पन पञ्चवण्णिकं मन्दाखं चन्दचुण्णमिस्सितं ॥३६॥  
 यथा तुय्हं महावीर पादेसु चक्कलक्खणं  
 धजवजिरपटाकं वड्ढमानङ्कुसावितं ॥३७॥  
 रूपे सीले समाधिम्हि पञ्जाय च असादिसो  
 विमुत्तिया असमसमो धम्मचक्कप्पवत्तने ॥३८॥  
 दसनागवलं काये तुय्हं पाकतिकं बलं  
 इद्धिबलेन असमो धम्मचक्कप्पवत्तने ॥३९॥  
 एवं सब्बगुणूपातां सब्बाङ्गासमुपागतं  
 महामुनिं कारुणिकं लोकनार्थं नमस्सथा ॥४०॥  
 अभिवादनं थोमनं वन्दनञ् च पसंसनं  
 नमस्सनञ् च पूजञ् च सब्बं अरहसी तुवं ॥४१॥  
 ये केचि लोके वन्दनेय्या वन्दनं अरहन्ति ये  
 सब्बसेट्ठो महावीरा सदिसो ते न विज्जति ॥४२॥

सारिपुत्तो महापञ्चो समाधिज्ञानकोविदो  
 गिञ्जकूटे थितो एव पस्सति लोकनायकं ॥४३॥  
 सुफुल्लं सालराजं व चन्दं व गगने यथा  
 मज्झन्तिके व सुरियं ओलोकेति नरासभं ॥४४॥  
 जलन्तं दापरुक्खं व तरुणसुरियं व उग्गतं  
 ब्यामप्पभानुरञ्जितं धीरं पस्सनि नायकं ॥४५॥  
 पञ्चन्नं भिक्खुसतानं कतकिञ्चानं तादिनं  
 खीणासवानं विमलानं खणेन सन्निपातयि ॥४६॥  
 लोकप्पसादनं नाम पाटिहीरं निदस्सयि  
 अम्हे पि तत्थ गन्त्वा वन्दिस्साम मयं जिनं ॥४७॥  
 एथ सब्बे गमिस्साम पुच्छिस्साम मयं जिनं  
 कङ्कलं विनोदयिस्साम पस्सित्वा लोकनायकं ॥४८॥  
 साधू ति ते पटिसुत्वा निपका संवुत्तिन्द्रिया  
 पत्तचीवरं आदाय तरमाना उपागमं ॥४९॥  
 खीणासवेहि विमलेहि दन्तेहि उत्तमे दमे  
 सारिपुत्तो महापञ्चो इद्धिया उपसङ्गमि ॥५०॥  
 तेहि भिक्खूहि परिवुत्तो सारिपुत्तो महागणी  
 ललन्तो देवो गगने इद्धिया उपसङ्गमि ॥५१॥  
 उक्कासितञ्च च खिपितं अञ्जुपेक्खित्वा सुब्बता  
 सगारवा सप्पटिस्सा सम्बुद्धं उपसङ्गकमुं ॥५२॥  
 उपसङ्गकमित्वा पस्सन्ति सयम्भुं लोकनायकं  
 नभे अच्चुगतं धीरं चन्दं व गगने यथा ॥५३॥  
 जलन्तं दीपरुक्खं व विज्जू व गगने यथा  
 मज्झन्तिके व सुरियं पस्सन्ति लोकनायकं ॥५४॥  
 पञ्चभिक्खुसता सब्बे पस्सन्ति लोकनायकं  
 रहदम इव विप्पसन्नं सुफुल्लं पदुमं यथा ॥५५॥  
 अञ्जलिं पग्गहेत्वान तुट्ठहट्ठा पमोदिता  
 नमस्समाना निपतन्ति सत्थुनो चक्कलक्खणे ॥५६॥  
 सारिपुत्तो महापञ्चो कोरण्डसमसादिसो  
 समाधिज्ञानकुसलो वन्दति लोकनायकं ॥५७॥  
 गज्जितो कालमेघो व नीलुप्पलसमसादिसो  
 इद्धिबलेन असमो मोग्गलानो महिद्धिको ॥५८॥

महाकस्सपो पि च थेरो उत्तकनकसन्निभो  
 धूतगुणे अग्गनिक्खित्तो थोमितो सत्थुवणिणतो ॥५९॥  
 दिब्बचक्खूनं यो अग्गो अनुरुद्धो महागणी  
 जातिसेट्ठो भगवतो अविदूरे व तिट्ठति ॥६०॥  
 आपत्ति-अनापत्तिया सत्तिकिच्चाय कोविदो  
 विनये अग्गनिक्खित्तो उपालि सत्थुवणिणतो ॥६१॥  
 सुखुमनिपुणत्थपटिविद्धो कथिकानं पवरो गणी  
 इसिमन्नानिया पुत्तो पुण्णो नामाति विस्सुतो ॥६२॥  
 एतेसं चित्तम् अञ्जाय ओपम्मकुसलो मुनि  
 खड्गखच्छेदो महावीरो कथेसि अत्तनो गुणं ॥६३॥  
 चत्तारो ते असङ्खेय्या कोटि येसं न जायति  
 सत्तकायो च आकासो चक्कवाळा च अनन्तका  
 बुद्धजाणं अप्पमेय्यं न सक्वा एते विजानितुं ॥६४॥  
 किं एतं अच्छरियं लोकेयं मे इद्धि - विकुब्बनं  
 अञ्जो बहू अच्छरिया अब्भुता लोमहंसना ॥६५॥  
 यदाहं तुसिते काये सन्तुसितो नामहं तदा  
 दससहस्सी समागम्म याचन्ति पञ्जलि ममं ॥६६॥  
 कालो देव महावीर उप्पज्ज मातु कुच्छियं  
 सदेवकन् तारयन्तो वुज्झस्सु अमतं पदं ॥६७॥  
 तुसिता काया चवित्तवान यदा ओक्कमि कुच्छियं  
 दससहस्सी लोकधातु कम्पित्थ धरणी तदा ॥६८॥  
 यदाहं मातु कुच्छितो सम्पजानो व निक्खमिं  
 साधुकारं पवत्तेन्ति दससहस्सी पकम्पथ ॥६९॥  
 ओक्कन्ति मे समो नत्थि जातितो अभिनिक्खमे  
 सम्बोधिं अहं सेट्ठो धम्मचक्कप्पवत्तने ॥७०॥  
 अहो अच्छरियं लोके बुद्धानम् गुणमहत्तता  
 दससहस्सी लोकधातु छव्विकारं पकम्पथा ! ॥७१॥  
 ओभासो च महा आसि अच्छेरं लोमहंसनं  
 भगवा च तम्हि समये लोकजेट्ठो नरासभो ॥७२॥  
 सदेवकं दस्सयन्तो इद्धिया चङ्कमि जिनो  
 चङ्कमे चङ्कमन्तो व कथेसि लोकनायको ॥७३॥

अन्तरा न निवत्तेति चतुहत्थे चङ्कमे यथा  
 सारिपुत्तो महापञ्चो समाधिज्ञानकोविदो ॥७४॥  
 पञ्चाय पारमिप्पत्तो पुच्छति लोकनायकं :—॥७४॥  
 कीदिसो ते महावीर अभिनीहारो नस्तम  
 कम्हि काले तया धीर पत्थिता बोधिमुत्तमा ? ॥७५॥  
 दानं सीलञ् च नेक्खम्मं पञ्चा-विरियञ् च कीदिसं  
 खन्ति-सच्चं अधिष्ठानं मेत्तुपेक्खा च कीदिसा ? ॥७६॥  
 दसपारमी तया धीर कीदिस लोकनायक  
 कथं उपपारमी पुण्णा परमत्थपारमी कथं ? ॥७७॥  
 तस्स पुट्ठो ब्याकासि करविकमधुरङ्गिरो  
 निब्बापयन्तो हृदयं हासयन्तो सदेवकं ॥७८॥  
 अतीतबुद्धानं जिनानं देसितं निकीळितं बुद्धपरम्परागतं  
 पुब्बे निवासानुगताय बुद्धिया पकासयी लोकहितं सदेवके ॥७९॥  
 पीतिपामोज्जजननं सोकसल्लविनोदनं  
 सव्वसम्पत्ति-पटिलाभं चित्तिकत्वा सुणाय मे ॥८०॥  
 मदनिम्मदनं सोकनुदं संसारपारिमोचनं  
 सब्बदुक्खक्खयं मगं सव्वकच्चं पटिपज्जयाति ॥८१॥  
 रतन चङ्कमन कण्डं निट्ठितं ॥१॥

## २—दीपङ्करो

कप्पे च सतसहस्से च चतुरो च असङ्खिये  
 अमरं नाम नगरं दसनेय्यं मनोरमं ॥१॥  
 दसहि सदेहि अविवित्तं अन्नपानसमायुतं  
 हत्थिसदं अस्ससदं भेरिसंखरथानि च ॥२॥  
 खादथ पिवथ चेव अन्नपानेन घोसितं  
 नगरं सब्बङ्गसम्पन्नं सब्बकम्मं उपागतं ॥३॥  
 सत्तरतनसम्पन्नं नानाजनसमाकुलं  
 समिद्धं देवनगरं आवासं पुञ्जकम्मिनं ॥४॥

नगरे अमरवतिया सुमेधो नाम ब्राह्मणो  
 अनेककोटिसन्निचयो पटुतधनधञ्जावा ॥५॥  
 अज्झायको मन्तघरो तिण्णं वेदानपारगू  
 लक्खणे इतिहासे च सद्धम्मे पारमिङ्गतो ॥६॥  
 रहोगतो निसीदित्वा एवं चिन्तेसहं तद  
 दुक्खो पुनाभवो नाम सरीरस्स च भेदनं ॥७॥  
 जातिघम्मो जरा धम्मो व्याधिघम्मो चहन् तदा  
 अजरं अमरं खेमं परियेसिस्सामि निब्बुति ॥८॥  
 यन नून इमं पूत्तिकायं नानाकुणपपूरितं  
 छड्डित्वान गच्छेय्यं अनपेक्खो अनत्थिको ॥९॥  
 अत्थि हेही ति सो मग्गो न सो सक्का न हेतुये  
 परियेसिस्सामि तं मग्गं भवतो परिमुत्तियाति ॥१०॥  
 यथापि दुक्खे विज्जन्ते सुखं नामपि विज्जति  
 एवं भवे विज्जमाने विभवो पिच्छित्तब्बको ॥११॥  
 यथापि उण्हे विज्जन्ते अपरं विज्जति सीतलं  
 एवं तिविधगि विज्जन्ते निब्बानं इच्छित्तब्बकं ॥१२॥  
 यथापि पापे विज्जन्ते कल्याणं अपि विज्जति  
 एवं एव जाति विज्जन्ते अजातिं पिच्छित्तब्बकं ॥१३॥  
 यथा गूथगतो पुरिसो तलाकं दिस्वान पूरितं  
 न गवेसति तं तळाकं न दोसो तळाकस्स सो ॥१४॥  
 एवं किलेसमलघोवे विज्जन्ते अमतन्तले  
 न गवेसति तं तळाकं न दोसो अमतन्तले ॥१५॥  
 यथा अरीहि परिरुद्धो विज्जन्ते गमने पथे  
 न पलायन्ति सो पुरिसो न दोसो अज्जसस्स सो ॥१६॥  
 एवं किलेसपरिरुद्धो विज्जमाने सिवे पथे  
 न गवेसति तं पुरिसो न दोसो सिवमज्जसे ॥१७॥  
 यथापि व्याधितो पुरिसो विज्जमाने तिकिच्छके  
 न तिकिच्छापेति तं व्याधिं न दोसो तिकिच्छके ॥१८॥  
 एवं किलेसव्याधीहि दुक्खितो पटिपीळितो  
 न गवेसति तं आचरियं न दोसो सो विनायके ॥१९॥  
 यथापि कुणपं पुरिसो कण्ठे बद्धं जिगुच्छियं  
 मोचयित्वान गच्छेय सुखी सेरी सयंवसी ॥२०॥

तथेव इमं पूतिकार्यं नानाकुणपसञ्चयं  
 छड्डायित्वान गच्छेय्यं अनपेक्खो अनत्थिको ॥२१॥  
 यथा उच्चारट्टानमिह करीसम् नरनारियो  
 छड्डयित्वान गच्छन्ति अनपेक्खा अनत्थिका ॥२२॥  
 एवं एवाहं इमं कार्यं नाना कुणपपूरितं  
 छड्डयित्वान गच्छिस्सं वच्चं कत्वा यथा कुटिं ॥२३॥  
 यथापि जज्जरं नावं पल्लुगं उदकगाहिनि  
 सामी छड्डेत्वा गच्छन्ति अनपेक्खा अनत्थिका ॥२४॥  
 एवं एवाहं इमं कार्यं नवच्छिदं धुवस्सवं  
 छड्डयित्वान गच्छिस्सं जिण्णनावं व सामिका ॥२५॥  
 यथापि पुरिसो चोरेहि गच्छन्तो भण्डं आदिय  
 भण्डच्छेदभयं दिस्वा छड्डयित्वान गच्छति ॥२६॥  
 एवं एव अयं कायो महाकोरसमो विया  
 पहायिमं गमिस्सामि कुसलच्छेदनाभयाति ॥२७॥  
 एवाहं चिन्तयित्वान नेककोटिसतं धनं  
 नाथानाथानं दत्तवान हिमवन्तं उपागमि ॥२८॥  
 हिमवन्तस्सअविदूरे धम्मको नाम पब्बतो  
 अस्समो सुकतो मय्हं पण्णसाला सुमापिता ॥२९॥  
 चङ्कमं तत्थ मापेसि पञ्चदोस - विवज्जितं  
 अट्ठगुणसमुपेतं अभिञ्जाबलं आहरिं ॥३०॥  
 साटकं पजहिं तत्थ नवदोससमुपागतं  
 वाकचीरं निवासेसि द्वादसगुणुपागतं ॥३१॥  
 अट्ठदोस समाकिण्णं पजहिं पण्णसालकं  
 उपागमि रुक्खमूलं गुणे दसहुपागतं ॥३२॥  
 वापितं रोपितं धञ्जं पजहिं निरवसेसतो  
 अनेकगुणसम्पन्नं पवत्तफलं आदियि ॥३३॥  
 तत्थ पधानं पदाहिं निसज्जट्टानचङ्कमे  
 अब्भन्तरमिह सत्ताहे अभिञ्जाबलं पापुणित्ति ॥३४॥  
 एवं मे सिद्धिपत्तस्स वसीभूतस्स सासने  
 दीपङ्करो नाम जिनो उण्णज्जि लोकनायको ॥३५॥  
 उण्णज्जन्ते च जायन्ते बुज्झन्ते धम्मदेसने  
 चतुरो निमित्ते नादसिं ज्ञानरतिसमप्पितो ॥३६॥

पचन्तदेसविसये निमन्तेत्वा तथागतं  
 तस्स आगमनं मगं सोधेन्ति तुट्ठमानसा ॥३७॥  
 अहं तेन समयेन निक्खमित्वा सकस्समा  
 धुनन्तो वाकचीरानि गच्छामि अम्बरे तदा ॥३८॥  
 वेदजातं जनं दिस्वा तुट्ठहट्ठं पमोदितं ।  
 ओरोहित्वान गगना मानुसे पुच्छि तावदे ॥३९॥  
 तुट्ठ हट्ठो पमोदितो वेदजातो महाजनो ।  
 कस्स सोधीयति मग्गो अञ्जसं वटुमायनन्ति ॥४०॥  
 ते मे पुट्ठा व्याकंसु बुद्धो लोके अनुत्तरो ।  
 दीपङ्करो नाम जिनो उप्पज्जि लोकनायको  
 तस्स सोधीयति मग्गो अञ्जसं वटुमायनं ॥४१॥  
 बुद्धोति मम सुत्वान पीति उप्पज्जि तावदे ।  
 बुद्धो बुद्धोति कथयन्तो सोमनस्सं पवेदयि ॥४२॥  
 तत्थ ठेत्वा विचिन्तेसि तुट्ठो संविग्गमानसो ।  
 इध बीजानि रोपिस्सं खणे वे मा उपच्चगा ॥४३॥  
 यदि बुद्धस्स सोधेथ एकोकासं ददाथ मे ।  
 अहं पि सोधयिस्सामि अञ्जसं वटुमायनं ॥४४॥  
 अदंसु ते मम ओकासं सोधेतुं अञ्जसं तदा ।  
 बुद्धो बुद्धोति चिन्तेन्तो मगं सोधेमहं तदा ॥४५॥  
 अनट्ठिते मम ओकासे दीपङ्करो महामुनि ।  
 चत्तूहि सतसहस्सेहि छलभिञ्जेहि तादिहि ।  
 खीणासवेहि विमलेहि पटिपज्जि अञ्जसंजिनो ॥४६॥  
 पच्चुगमना वत्तन्ति वज्जन्ति भेरियो व्हू ।  
 आमोदिता नरमरू साधुकारं पवत्तयुं ॥४७॥  
 देवमनुस्से पस्सन्ति मनुस्सा पिच देवता ।  
 उभो पि ते पज्जलिका अनुयन्ति तथागतं ॥४८॥  
 देवा दिब्बेहि तुरियेहि मनुस्सा मानुसकेहि च ।  
 उभो पि ते वज्जयन्ता अनुयन्ति तथागतं ॥४९॥  
 दिब्बं मन्दारवं पुप्फं पदुमं पारिच्छत्तकं ।  
 दिसोदिसं ओकिरन्ति आकास-नभगता मरू ॥५०॥  
 चम्पकं सललं नीपं नागपुन्नागकेतकं ।  
 दिसोदिसं उक्खिपन्ति भूमितलगतता नरा ॥५१॥

केसे मुञ्चित्वाहं तत्थ वाकचिरञ्च च चम्मकं ।  
 कलले पत्थरित्वान अवकुज्जो निपज्जहं ॥५२॥  
 अक्कमित्वान मं बुद्धो सह सिस्सेहि गच्छतु ।  
 मा नं कलले अक्कमित्थो हिताय मे भविस्सतीति ॥५३॥  
 पठवियं निपन्नस्स एवं मे आसि चेतसो ।  
 इच्छमानो अहं अज्ज किलेसे ज्ञापये मम ॥५४॥  
 किं मे अञ्जातवे सेन धम्मं सच्चिकते निघा ।  
 सब्बञ्जुतं पापुणित्वा बुद्धो हेस्सं सदेवके ॥५५॥  
 किं मे एकेन तिण्णेन पुरिसेन थमदस्सिना ।  
 सब्बञ्जुतं पापुणित्वा सन्तारेस्सं सदेवके ॥५६॥  
 इमिना मे अधिकारेण कतेन पुरिसुत्तमे  
 सब्बञ्जुतं पापुणामि तारेमि जनतं वहुं ॥५७॥  
 संसारसोतं छिन्दित्वा विद्धंसेत्वा तयो भवे  
 धम्मनावं समारुह्ण सन्तारेस्सं सदेवके ॥५८॥  
 मनुसत्तं लिङ्गसिम्पत्ति हेतु सत्थार-दस्सनं  
 पब्बजा गुणसम्पत्ति अधिकारो च छन्दता ॥५९॥  
 अट्ठधम्मसमोधाना अभिनीहारो समिज्जाति  
 दीपङ्करो लोकविदू आहुतीनं पटिग्गहो  
 उस्सीसके मं ठत्वान इदं वचनं अब्रवी ॥६०॥  
 पस्सथ इमं तापसं जटिलं उग्गतापनं  
 अपरिमेय्ये इतो कप्पे बुद्धो लोके भविस्सति ॥६१॥  
 अथ कपिलव्हेया रम्मा निक्खमित्वा तथागतो  
 पघानं पदहित्वान कत्वा दुक्करकारियं ॥६२॥  
 अजपालरुक्खमूलस्मिं निसीदित्वा तथागतो  
 तत्थ पायासं अग्गह्ण नेरञ्जरं उपेहिति ॥६३॥  
 नेरञ्जराय तीरम्हि पायासं आदा सो जिन्नो  
 पटियत्तवरमग्गेन वोधिमूलम्हि एहिति ॥६४॥  
 ततो पदनिखणं कत्वा वोधिमण्डं अनुत्तरो  
 अस्सत्थरुक्खमूलम्हि वुज्झिस्सति महायसो ॥६५॥  
 इमस्स जनिका माता माया नाम भविस्सति  
 पिता सुद्धोदनो नाम अयं हेस्सति गोतमो ॥६६॥



अनासवा वीतमला सन्तचित्ता समाहिता  
 कोलितो उपतिस्सो च अग्गा हेस्सन्ति सावका ॥६७॥  
 आनन्दो नामुपट्ठाको उपट्ठिस्सति तं जिनं  
 खेमा उप्पलवण्णा च अग्गा हेस्सन्ति साविका ॥६८॥  
 अनासवा वीतमला सन्तचित्ता समाहिता  
 बोधि तस्स भगवतो अस्सत्थो ति पुवच्चति ॥६९॥  
 चित्तो च हत्थाळवको अग्गा हेस्सन्त उपट्ठका  
 नन्दमाता च उत्तरा अग्गा हेस्सन्तुपट्ठिका ॥७०॥  
 इदं सुत्वान वचनं असमस्स महेसिनो  
 आमोदिता नरमरूः बुद्धबीजङ्कुरो अयं ॥७१॥  
 उक्कुट्टिसद्दा वत्तन्ति अप्पोठेन्ति हसन्ति च  
 कतञ्जली नमस्सन्ति दससहस्सी सदेवका ॥७२॥  
 यदिमस्स लोकनाथस्स विरज्जिस्साम सासनं  
 अनागतम्हि अद्धाने हेस्साम सम्मुखा इमं ॥७३॥  
 यथा मनुस्सा नदि तरन्ता पटितित्थं विराज्जिय  
 हेट्ठातित्थं गहेत्वान उत्तरन्ति महानदि ॥७४॥  
 एवं एवं मयं सब्बे यदि मुञ्चामिमं जिनं  
 अनागतम्हि अद्धाने हेस्साम समुखा इमं ॥७५॥  
 दीपङ्करो लोकविद् आहुतीनं पटिग्गहो  
 मम कम्मं पक्कित्त्वा दक्खिनं पदं उद्धरि ॥७६॥  
 ये तत्थासुं जिनपुत्ता सब्बे पदक्खिणं अकंसु मं  
 देवा मनुस्सा असुरा च अभिवादेत्वान पक्कमुं ॥७७॥  
 दस्सनं मे अतिक्कन्ते ससङ्खे लोकनायके  
 सयना वुट्ठित्वान पल्लङ्कं अभुजिं तदा ॥७८॥  
 सुखेन सुखितो होमि पामुज्जेन पमोदितो  
 पीतिया च अभिसन्नो पल्लङ्कं अभुजिं तदा ॥७९॥  
 पल्लङ्ककेन निसीदित्वा एवं चिन्तेसहं तदा  
 वसीभूतो अहं ज्ञाने अभिञ्जासु पारमिङ्गतो ॥८०॥  
 सहस्सियम्हि लोकम्हि इसयो नत्थि मे समा  
 असमो इद्धिधम्मेषु अलभिं ईदिसं सुखं ॥८१॥  
 पल्लङ्काभुजने मयहं दससहस्साधिवासिनो  
 महानन्दं पवत्तेसुं धुवं बुद्धो भविस्ससि ॥८२॥

या पुब्बे बोधिसत्तानं पल्लङ्ककवरं आभुजे  
 निमित्तानि पदिस्सन्ति तानि अज्ज पदिस्सरे ॥८३॥  
 सीतं व्यपगतं होति उण्हज्ज् च उपसम्मति  
 तानि अज्ज पदिस्सन्ति धुवं बुद्धो भविस्ससि ॥८४॥  
 दससहस्सी लोकधातु निस्सद्दा होति निराकुला  
 तानि अज्ज पदिस्सन्ति धुवं बुद्धो भविस्ससि ॥८५॥  
 महावाता न वायन्ति न सन्दन्ति सवन्तियो  
 तानि अज्ज पदिस्सन्ति धुवं बुद्धो भविस्ससि ॥८६॥  
 थलजा दकजा पुप्फा सब्बे पुप्फन्ति तावदे  
 ते पज्ज पुप्फिता सब्बे धुवं बुद्धो भविस्ससि ॥८७॥  
 लता वा यादिवा ख्ख्वा फलधरा होन्ति तावदे  
 ते पज्ज फलिता सब्बे धुवं बुद्धो भविस्ससि ॥८८॥  
 अकासत्था च भुमत्था रतना जोतन्ति तावदे  
 ते पज्ज रतना जोतन्ति धुवं बुद्धो भविस्ससि ॥८९॥  
 मानुसका च दिब्बा च तुरिया वज्जन्ति तावदे  
 ते पज्ज उभो अभिरवन्ति धुवं बुद्धो भविस्ससि ॥९०॥  
 विचित्तपुप्फा गगना अभिवस्सन्ति तावदे  
 ते पि अज्ज पदिस्सन्ति धुवं बुद्धो भविस्ससि ॥९१॥  
 महासमुद्धो आभुजति दससहस्सी पकम्पति  
 ते पि अज्ज उभो अभिरवन्ति धुवं बुद्धो भविस्ससि ॥९२॥  
 निरये पि दससहस्सी अग्गी निब्बन्ति तावदे ।  
 ते पज्ज निवृता अग्गी धुवं बुद्धो भविस्ससि ॥९३॥  
 विमलो होति सुरियो सब्बा दिस्सन्ति तारका  
 ते पि अज्ज पदिस्सन्ति धुवं बुद्धो भविस्ससि ॥९४॥  
 अनोवट्ठेन उदकं महीया उब्भिज्जि तावदे ।  
 तं पज्ज उब्भिज्जते महीया धुवं भविस्ससि ॥९५॥  
 तारागणा विरोचन्ति नक्खत्ता गगनमण्डले ।  
 विसाखा चन्दिमायुत्ता धुवं बुद्धो भविस्ससि ॥९६॥  
 विलासया दरीसया निक्खमन्ति सकासया ।  
 ते पज्ज आस या छुद्धा धुवं बुद्धो भविस्ससि ॥९७॥  
 न होति अरति सत्तानं सन्तुट्ठा होन्ति तावदे ।  
 ते पज्ज सब्बे सन्तुट्ठा धुवं बुद्धो भविस्ससि ॥९८॥

रोगा तदुपसम्मन्ति जिघच्छा च विनस्सति ।  
 तानि अज्ज पदिस्सन्ति धुवं बुद्धो भविस्ससि ॥९९॥  
 रागो तदा तनु होति दोसो मोहो विनस्सति ।  
 ते पज्ज विगता सब्बे धुवं बुद्धो भविस्ससि ॥१००॥  
 भयं तदा न भवति अज्ज पेतं पदिस्सति ।  
 तेन लिङ्गणेन जानाम धुवं बुद्धो भविस्ससि ॥१०१॥  
 रजो नुद्धंसति उद्धं अज्ज पेतं पदिस्सति ॥  
 तेन लिङ्गणेन जानाम धुवं बुद्धो भविस्ससि ॥१०२॥  
 अनिद्वगन्धो पक्कमति दिब्बगन्धो पवायति ।  
 सो पज्ज वायति गन्धो धुवं बुद्धो भविस्ससि ॥१०३॥  
 सब्बे देवा पदिस्सन्ति ठपयित्वा अरूपिनो ।  
 ते पज्ज सब्बे दिस्सन्ति धुवं बुद्धो भविस्सति ॥१०४॥  
 यावता निरया नाम सब्बे दिस्सन्ति तावदे ।  
 ते पज्ज सब्बे दिस्सन्ति धुवं बुद्धो भविस्ससि ॥१०५॥  
 कुड्डा कवाटा सेला च न होन्तावरणं तदा ।  
 आकासभूता ते पज्ज धुवं बुद्धो भविस्सति ॥१०६॥  
 चुती च उपपत्ती च खणे तस्मिं न विज्जति ।  
 तानि पज्ज पदिस्सन्ति धुवं बुद्धो भविस्सति ॥१०७॥  
 दळ्हं पगण्ह विरियं मा निवत्ता अभिक्कम ।  
 मयं पेतं विजानाम धुवं बुद्धो भविस्ससि ॥१०८॥  
 बुद्धस्स वचनं सुत्वा दससहस्सी न चुभयं ।  
 तुट्ठहट्ठो पमोदितो एवं चिन्तेसहं तदा ॥१०९॥  
 अदवेज्झवचना बुद्धा अमोघवचना जिना ।  
 वितथं नत्थि बुद्धानं धुवं बुद्धो भवामहं ॥११०॥  
 यथा खित्तं नभे लेड्डु धुवं पतति भूमियं ।  
 तथेव बुद्धसेट्ठानं वचनं धुवसस्सतं ।  
 वितथं नत्थि बुद्धानं धुवं बुद्धो भवामहं ॥१११॥  
 यथापि सब्बसत्तानं मरणं धुवसस्सतं ।  
 तथेव बुद्धसेट्ठानं वचनं धुवसस्सतं ॥  
 वितथं ..... पे ..... ॥११२॥

यथा रत्तिक्खये पत्ते सुरियस्सुग्गमनं धुवं ।  
 तथेव बुद्धसेट्ठानं वचनं धुवस्सत्तं ।  
 वितथं ..... पे ..... ॥११३॥  
 यथा निक्खन्तसयनस्स सीहस्स नदनं धुवं  
 तथेव बुद्धसेट्ठानं वचनं धुवस्सत्तं  
 वितथं ..... पे ..... ॥११४॥  
 यथा आपन्नसत्तानं भारमोरोपनं धुवं  
 तथेव ..... पे ..... ।  
 वितथं ..... पे ..... ॥११५॥  
 हन्द् बुद्धकरे धम्मे विचिनामि इतो चितो ।  
 उद्धं अधो दसदिसा यावता धम्मघातुया ॥११६॥  
 विचिनन्तो तदा दक्खिं पठमं दानपारमिं ।  
 पुब्बके हि महेसीहि अनुचिण्णं महापथं ॥११७॥  
 इमं त्वाम् पठमं ताव दळ्हं कत्वा समादिय ।  
 दानपारमितं गच्छ यदि बोधिं पत्तुम् इच्छसि ॥११८॥  
 यथापि कुम्भो सम्पुण्णो यस्स कस्सचि अधोकतो ।  
 वमते बुदकं निस्सेसं न तत्थ परिरक्खति ॥११९॥  
 तथेव याचके दिस्वा हीनमुक्कट्टमज्झिमे ।  
 ददाहि दानं निस्सेसं कुम्भो विय अधोकतो ॥१२०॥  
 न हेते एत्तका एव बुद्धधम्मा भविस्सरे ।  
 अञ्जे पि विचिनिस्सामि ये धम्मा बोधिपाचना ॥१२१॥  
 विचिनन्तो तदा दक्खिं दुतियं सीलपारमिं ।  
 पुब्बकेहि महेसीहि आसेवितनिसेवितं ॥१२२॥  
 इमं त्वं दुतियं ताव दळ्हं कत्वा समादिया ।  
 सीलपारमितं गच्छ यदि बोधिं पत्तुं इच्छसि ॥१२३॥  
 यथापि चमरी वाळं किसमिचि पटिविलगितं ।  
 उपेति मरणं तत्थ न विकोपेति वाळधिं ॥१२४॥  
 तथेव चतूसु भूमीसु सीलानि परिपूरिय ।  
 परिरक्ख सब्बदा सीलं चमरी विय वाळधिं ॥१२५॥  
 नहेते एत्तका एव बुद्धधम्मा भविस्सरे ।  
 अञ्जे पि विचिनिस्सामि ये धम्मा बोधिपाचना ॥१२६॥

विचिनन्तो तदा दक्खिं ततियं नेक्खम्मपारमिं ।  
 पुब्बकेहि महेसीहि आसेवितनिसेवितं ॥१२७॥  
 इमं त्वां ततियं ताव दळ्हं कत्वा समादिय ।  
 नेक्खम्मपारमिं गच्छ यदि बोधिं पत्तुं इच्छसि ॥१२८॥  
 यथा अन्दुघरे पुरिसो चिरवुत्थो दुक्खड्डितो ।  
 न तत्थ रागं अभिजनेति मुत्तिं येव गवेसति ॥१२९॥  
 तथेव त्वं सब्बभवे पस्स अन्दुघरे विय ।  
 नेक्खम्माभिमुखो होहि भवतो परिमुत्तिया ॥१३०॥  
 न हेते एत्तका येव बुद्धधम्मा भविस्सरे ।  
 अञ्जो पि विचिनिस्सामि ये धम्मा बोधिपाचना ॥१३१॥  
 विचिनन्तो तदा दक्खिं चतुत्थं पञ्जापारमिं ।  
 पुब्बकेहि महेसीहि आसेवितनिसेवितं ॥१३२॥  
 इमं त्वं चतुत्थं ताव दळ्हं कत्वा समादिय ।  
 पञ्जापारमितं गच्छ यदि बोधिं पत्तुं इच्छसि ॥१३३॥  
 यथापि भिक्खु भिक्खन्तो हीनमुक्कट्टमज्झिमे ।  
 कुलानि न विवज्जेन्तो एवं लब्भति यापनं ॥१३४॥  
 तत्थेव त्वं सब्बकालं परिपुच्छं बुद्धं जनं ।  
 पञ्जापारमितं गत्वा सम्बोधिं पापुणिससि ॥१३५॥  
 न हेते एत्तका येव बुद्धधम्मा भविस्सरे ।  
 अञ्जो पि विचिनिस्सामि ये धम्मा बोधिपाचना ॥१३६॥  
 विचिनन्तो तदा दक्खिं पञ्चमं विरियपारमिं ।  
 पुब्बकेहि महेसीहि आसेवितनिसेवितं ॥१३७॥  
 इमं त्वं पञ्चमं ताव दळ्हं कत्वा समादिय ।  
 विरियपाहमितं गच्छ यदि बोधिं पत्तुं इच्छसि ॥१३८॥  
 यथापि सीहो मिगराजा निसज्जट्टानचंकमे ।  
 अलीनविरियो होति पग्गहीतमनो सदा ॥१३९॥  
 तथेव त्वं पि सब्बभवे पग्गण्हा विरियं दळ्हं ।  
 विरियपारमितं गत्वा सम्बोधिं पापुणिस्ससि ॥१४०॥  
 न हेते एत्तका एव बुद्धधम्मा भविस्सरे ।  
 अञ्जो पि विचिनिस्सामि ये धम्मा बोधिपाचना ॥१४१॥  
 विचिनन्तो तदा दक्खिं छट्ठमं खान्तिपारमिं ।  
 पुब्बकेहि महेसीहि आसेवितनिसेवितं ॥१४२॥

इमं त्वं छट्ठमं ताव दळ्हं कत्वा समादिय ।  
 तत्थ अद्वेज्जमानसो सम्बोधि पापुणिस्ससि ॥१४३॥  
 यथापि पठवि नाम सुचिं पि असुचिं पि च ।  
 सब्बं सहति निक्खेपं न करोति पटिघं दयं ॥१४४॥  
 तथेव त्वं पि सब्बेसं सम्मानावमानक्खमो ।  
 खन्तिपारमितं गत्वा सम्बोधि पापुणिस्ससि ॥१४५॥  
 न हेते एत्तका येव बुद्धधम्मा भविस्सरे ।  
 अञ्जो पि विचिनिस्सामि ये धम्मा बोधिपाचना ॥१४६॥  
 विचिनन्तो तदा दक्खिं सत्तमं सच्चपारमिं ।  
 पुब्बकेहि महेसीहि आसेवितनिसेवितं ॥१४७॥  
 इमं त्वं सत्तमं ताव दळ्हं कत्वा समादिय ।  
 तत्थ अद्वेज्जवचनो सम्बोधि पापुणिस्ससि ॥१४८॥  
 यथापि ओसधी नाम तुलाभूता सदेवके ।  
 समये वुतुवस्से वा न वोक्कमति विथितो ॥१४९॥  
 तत्थेव त्वं पि सच्चवेसु मा वोक्कमसि विथितो ।  
 सच्चपारमितं कत्वा सम्बोधि पापुणिस्ससि ॥१५०॥  
 न हेते एत्तका एव बुद्धधम्मा भविस्सरे ।  
 अञ्जो पि विचिनिस्सामि ये धम्मा बोधिपाचना ॥१५१॥  
 विचिनन्तो तदा दक्खिं अट्ठमं अधिट्ठानपारमिं ।  
 पुब्बकेहि महेसीहि आसेवितनिसेवितं ॥१५२॥  
 इमं त्वं अट्ठमं ताव दळ्हं कत्वा समादिय ।  
 तथा त्वं अचलो हुत्वा सम्बोधि पापुणिस्ससि ॥१५३॥  
 यथापि पब्बतो सेलो अचलो सुप्पतिट्ठितो ।  
 न कम्पति भुसवातेहि सकट्टाने व तिट्ठति ॥१५४॥  
 तथेव त्वं पि अधिट्ठाने सब्बदा अचलो भव ।  
 अधिट्ठानपारमिं गत्वा सम्बोधि पापुणिस्ससि ॥१५५॥  
 न हेते एत्तका येव बुद्धधम्मा भविस्सरे ।  
 अञ्जो पि विचिनिस्सामि ये धम्मा बोधिपाचना ॥१५६॥  
 विचिनन्तो तदा दक्खिं नवमं भेत्तापारं ।  
 पुब्बकेहि महेसीहि आसेवितनिसेवितं ॥१५७॥  
 इमं त्वं नवमं ताव दळ्हं कत्वा समादिय ।  
 भेत्ताय असमोहो हि यदि बोधिं पत्तुं इच्छसि ॥१५८॥

यथापि उदकं नाम कल्याणं पापके जने ।  
 समं फरति सीतेन पवाहेति रजोमलं ॥१५९॥  
 तत्थेव त्वं पि हिताहिते समं मेत्ताय भावय ।  
 मेत्तापारमिं गत्वा सम्बोधिं पापुनिस्ससि ॥१६०?॥  
 न हेते एत्तका एव बुद्धधम्मा भविस्सरे ।  
 अञ्जे पि विचिनिस्सामि ये धम्मा बोधिपाचना ॥१६१॥  
 विचिनन्तो तदा दक्खिं दसमं उपेक्खापारमिं ।  
 पुब्बकेहिं महेसीहिं आसेवितनिसेवितं ॥१६२॥  
 इमं त्वं दसमं ताव दळ्हं कत्वा समादिय ।  
 तुलाभूतो दळ्हो हुत्वा सम्बोधिं पापुनिस्ससि ॥१६३॥  
 यथापि पठवी नाम निक्खितं असुचिं सुचिं ।  
 उपेक्खति उभोपेते कोपानुनायवज्जिता ॥१६४॥  
 तथेव त्वं पि सुखदुक्खे तुलाभूतो सदा भव ।  
 उपेक्खापारमितं गत्वा सम्बोधिं पापुनिस्ससि ॥१६५॥  
 एत्तका येव ते लोके ये धम्मा बोधिपाचना ।  
 तदुद्धं नत्थि अञ्जत्र दळ्हं तत्थ पतिट्ठहा ॥१६६॥  
 इमे धम्मे सम्मसतो सभावरसलक्खणे ।  
 धम्मतेजेन वसुधा दससहस्सी पकंपथा ॥१६७॥  
 चलती रवती पुठवी उच्छ्रयन्तं व पीळितं ।  
 तेलयन्ते यथा चक्कं एवं कम्पति मेदिनि ॥१६८॥  
 यावता परिसा आसि बुद्धस्स परिवेसने ।  
 पवेधमाना सा तत्थ मुच्छिता सेति भूमिया ॥१६९॥  
 घटानेकसहस्सानि कुम्भीनञ्च सता वहू ।  
 सञ्चुण्णमथिता तत्थ अञ्जमञ्जं पघट्टिता ॥१७०॥  
 उब्बिग्गा तसिता भीता भन्ता व्याधितमानसा ।  
 महाजना समागम्म दीपङ्करं उपागमं ॥१७१॥  
 किं भविस्सति लोकस्स कल्याणं अथ पापकं ।  
 सम्बो उपद्दुतो लोको तं विनोदेहि चक्खुमा ॥१७२॥  
 तेसं ते तदा सञ्जपेसि दीपङ्करो महामुनि ।  
 विस्सत्था होथ मा भाथ इमस्मिं पठविकम्पने ॥१७३॥  
 यं अहं अज्ज व्याकासिं बुद्धो लोके भविस्सति ।  
 एसो सम्मसति धम्मं पुब्बकं जिनसेवितं ॥१७४॥

तस्स सम्मसतो धम्मं बुद्धभूमिं असेसतो ।  
 तेनायं कम्पिता पुठवी दससहस्सी सदेवके ॥१७५॥  
 बुद्धस्स वचनं सुत्वा मनो निब्बायि तावदे ।  
 सब्बे मं उपसंक्कम्मा पुन पि मं अभिवण्डिसु ॥१७६॥  
 समादियित्वा बुद्धगुणं दळ्हं कत्वान मानसं ।  
 दीपङ्करं नमस्सित्वा आसना वुट्ठहिं तदा ॥१७७॥  
 दिब्बं मानुसकं पुप्फं देवमानुसका उभो ।  
 समोकिरन्ति पुप्फेहि वुट्ठहन्तस्स आसना ॥१७८॥  
 वेदयन्ति च ते सोत्थिदेव मानुसका उधोः ।  
 महनं पट्ठितं तुय्हं तं लभस्सु यथिच्छित्तं ॥१७९॥  
 सब्बीतियो विवज्जन्तु सब्बरोगो विनस्सतु ।  
 मा ते भवन्त्वन्तरायो फुस खिप्पं बोधिम् उत्तमं ॥१८०॥  
 यथापि समये पत्ते पुप्फन्ति पुप्फिनो दुमा ।  
 तथेव त्वं महावीर बुद्धज्जाणेन पुप्फसि ॥१८१॥  
 यथा ये केचि सम्बुद्धा पूरायुं दसपारमी ।  
 तथेव त्वं महावीर पूरय दसपारमि ॥१८२॥  
 यथा ये केचि सम्बुद्धा बोधिमण्डं हि वुज्जरे ।  
 तथेव त्वं महावीर वुज्जसु जिनबोधियं ॥१८३॥  
 यथा ये केचि सम्बुद्धा धम्मचक्कं पवत्तयुं ।  
 तथेव त्वं महावीर धम्मचक्कं पवत्तय ॥१८४॥  
 पुण्णमासे यथा चन्दो परिसुद्धो विरोचति ।  
 तथेव त्वं पुण्णमासो विरोच दससहस्सियं ॥१८५॥  
 राहुमुत्तो यथा सुरियो तापेन अतिरोचति ।  
 तथेव लोका मुञ्चित्वा विरोचं सिरिया तुवं ॥१८६॥  
 यथा या काचि नदियो ओसरन्ति महोर्दधि ।  
 एवं सदेवका लोका ओसरन्तु तवन्तिके ॥१८७॥  
 तेहि थुत्तिप्पसत्थो सो दसधम्मे समादिय ।  
 ते धम्मे परिपूरेन्तो पवनं पाविसी तदा ति ॥१८८॥

सुमेध-वत्थुकथा निट्ठिता

तदा ते भोजयित्वान ससङ्गं लोकनायकं ।  
 उपगच्छं सरणं तस्स दीपङ्करस्स सत्थुनो ॥१८९॥



सरणागमनं कञ्चि निवेसेसि तथागतो ।  
 कञ्चि पञ्चसु सीलेषु सीले दसविधे परं ॥१९०॥  
 कस्सचि देति सामञ्जं चतुत्थे फलमुत्तमे ।  
 कस्सचि असमे धम्मे देति सो पटिसम्भिदा ॥१९१॥  
 कस्सचि वरसमापत्तियो अट्ट देति नरासभो ।  
 तित्सो कस्सचि विज्जायो छळभिञ्जा पवेच्छति ॥१९२॥  
 तेन योगेन जनकायं ओवदति महामुनि ।  
 तेन वित्थरिकं आसि लोकनाथस्स सासनं ॥१९३॥  
 महाहनुसभक्खन्दो दीपङ्करसनामको ।  
 बहु जने तारयति परिमोचेति दुग्गतिं ॥१९४॥  
 बोधनेय्यं जनं दिस्वा सतसहस्से पि योजने ।  
 खणेन उपगन्त्वान बोधेति तं महामुनि ॥१९५॥  
 पठमाभिसमये बुद्धो कोटिसत्तं अबोधयि ।  
 दुतियाभिसमये नाथो नवुति कोटिं अबोधयि ॥१९६॥  
 यदा च देवभवनम्हि बुद्धो धम्मं अदेसयि ।  
 नवुतिकोटिहस्सानं ततियाभिसमयो अहु ॥१९७॥  
 सन्निपाता तयो आसुं दीपङ्करस्स सत्थुनो ।  
 कोटिसतसहस्सानं पठमो आसि समागमो ॥१९८॥  
 पुन नारदकुतम्हि पविवेकगते जिने ।  
 खीणासवा वीतमला समिसु सतकोटियो ॥१९९॥  
 यम्हि काले महावीरो सुदस्सनसिलुच्चये ।  
 नवुतिकोटिसहस्सेहि पवारेसि महामुनि ॥२००॥  
 अहं तेन समयेन जटिलो उग्गतापनो ।  
 अन्तलिक्खम्हि चरणो पञ्चाभिञ्जासु पारगू ॥२०१॥  
 दसवीससहस्सानं धम्माभिसमयो अहु ।  
 एकद्विजं अभिसमयो गणनातो असङ्खियो ॥२०२॥  
 वित्थारिकं बहुजञ्जं इद्धं फीतं अहु तदा ।  
 दीपङ्करस्स भगवतो सासनं सुविसोधितं ॥२०३॥  
 चत्तारि सतसहस्सानि छळभिञ्जा महिद्धिका ।  
 दीपङ्करं लोकविदुं परिवारेन्ति सब्बदा ॥२०४॥  
 ये केचि तेन समयेन जहन्ति मानुसं भवं ।  
 अप्पत्तमानसा सेखा गर्हिता भवन्ति ते ॥२०५॥

सपुष्पितं पावचनं अरहन्तेहि तादिहि ।  
 खीणासवेहि विमलेहि उपसोभति सब्बदा ॥२०६॥  
 नगरं रम्मवती नाम सुमेधो नाम खत्तियो ।  
 सुमेधा नाम जनिका दीपङ्करस्स सत्थुनो ॥२०७॥  
 दसवस्ससहस्सानि अगारं अज्झसो वसि ।  
 हंसा कोञ्चा मयूरा च तयो पासादमुत्तमा ॥२०८॥  
 तीणि सतसहस्सानि नारियो समलङ्कता ।  
 मदुमा नाम सा नारी उसभा-क्खन्दो नाम अन्नजो ॥२०९॥  
 निमित्ते चतुरो दिस्वा हत्थियानेन निक्खमि ।  
 अनूनदसमासानि पधानं पदहि जिनो ॥२१०॥  
 पधानचारं चरेत्वा अबुज्झि मानसं मुनि ।  
 ब्रह्मना याचितो सन्तो दीपङ्करो महामुनि ॥२११॥  
 वत्ति चक्कं महावीरो नन्दारामे सिरिघरे ।  
 निसिन्नो सिरिसमूलम्हि अका तित्थियमद्दं ॥२१२॥  
 सुमंगलो च तिस्सो च अहेसुं अगगसावका ।  
 सागतो नामुपट्ठाको दीपङ्करस्स सत्थुनो ॥ २१३॥  
 नन्दाचेव सुनन्दा च अहेसुं अगगसाविका ।  
 बोधितस्स भगवतो पिप्फली ति उपच्चति ॥२१४॥  
 तपुस्स-वल्लिका नाम अहेसुं अगुपट्ठका ।  
 सिरिमा सोना उपट्ठिका दीपङ्करस्स सत्थुनो ॥२१५॥  
 असीतिहत्थमुब्बेधो दीपङ्करो महामुनि ।  
 सोभति दीपरुक्खो व सालराजा व फुल्लितो ॥२१६॥  
 सतसहस्सवस्सानि आयु तस्स महेसिनो ।  
 तावता तिट्ठमानो सो तारेसि जनतं वहुं ॥२१७॥  
 जोतयित्वान सद्धम्मं सन्तारेत्वा महाजनं ।  
 जलित्वा अग्गिक्खन्दो व निब्बुतो सो ससावके ॥२१८॥  
 सा च इद्धि सो च यसो तानि च पादेसु चक्करतनानि ।  
 सब्बं समन्तरहितं ननु रिता सब्बसङ्खारा ॥२१९॥  
 दीपङ्करो जिनो सत्था नन्दारामम्हि निब्बुतो ।  
 तत्थेव नस्स जिन्न-थूपो छत्तिमुब्बेधयोजनो ति ॥२२०॥  
 दीपङ्करस्स भगवतो वंसो पठमो ॥१॥

## ३ — कोण्डञ्जो ( २ )

दीपङ्करस्स अपरेन कोण्डञ्जो नाम नायको ।  
 अनन्ततेजो अमितयसो अप्पमेय्यो दुरासदो ॥१॥  
 धरणूपनो सो खमेन सीलेन सागरूपमो ।  
 समाधिना मेरूपमो ज्ञाणेन गगनूपमो ॥२॥  
 इन्द्रियबलबोज्झङ्गामग्गसच्चप्पकासनं ।  
 पकासेसि सदा बुद्धो हिताय सब्बपाणिनं ॥३॥  
 धम्मचक्कप्पवत्तेन्ते कोण्डञ्जो लोकनायको ।  
 कोटिसत्तसहस्सानं पठमाभिसमयो अहु ॥४॥  
 ततो परम्पि देसेन्ते नरमरूनं समागमे ।  
 नवुतिकोटिसहस्सानं दुतियाभिसमयो अहु ॥५॥  
 तित्थियो अभिमद्दन्तो यदा धम्मं अदेसयि ।  
 असीतिकोटिसहस्सानं ततियाभिसमयो अहु ॥६॥  
 सन्निपाता तयो आसुं कोण्डञ्जस्स महेसिनो ।  
 खीणासवानं विमलानं सन्तचित्तानं तादिनं ॥७॥  
 कोटिसत्तसहस्सानं पठमो आसि समागमो ।  
 दुतियो कोटिसहस्सानं ततियो नवुतिकोटिनं ॥८॥  
 अहं तेन समयेन विजितावी नाम खात्तियो ।  
 समुद्धं अन्तमन्तेन इस्सेरं वत्तयामहं ॥९॥  
 कोटिसत्तसहस्सानं विमलानं महेसिनं ।  
 सह लोकग्गनाथेन परमन्नेन तप्पयि ॥१०॥  
 सो पि मं बुद्धो व्याकासि कोण्डञ्जो लोकनायको  
 अपरिमेय्ये इतो कप्पे बुद्धो लोके भविस्सति ॥११॥  
 पञ्चानं पदहित्वान कत्वा दुक्करकारियं  
 अस्सत्थमूले समबुद्धो वुज्झिस्सति महायसो ॥१२॥  
 इमस्स जनिका माता माया नाम भविस्सति  
 पिता सुद्धोदनो नाम अयं हेस्सति गोतमो ॥१३॥  
 कोलितो उपतिस्सो च अग्गा हेस्सन्ति सावका  
 आनन्दो नामुपट्ठाको उपट्ठिस्सति मं जिनं ॥१४॥

खेमा उप्पलवण्णा च अग्गा हेस्सन्ति साविका  
 बोधि तस्स भगवतो अस्सत्थो ति पवुच्चति ॥१५॥  
 चित्तो च हत्थाळवको अग्गा हेस्सन्तुपट्ट का  
 नन्दमाता च उत्तरा अग्गा हेस्सन्तुपट्टिका ॥१६॥  
 आयु वस्ससतं तस्स गोतमस्स यसस्सिनो  
 इदं सुत्वान वचनं असमस्स महेसिनो  
 आमोदिता नरमरू बुद्धवीजङ्कुरो अयं ॥१७॥  
 उक्कुट्टि सद्दा वत्तन्ति अप्पोठेन्ति हसन्ति च  
 कतञ्जली नमस्सन्ति दससहस्सी सदेवका ॥१८॥  
 यदिमस्स लोकनाथस्स विरज्झिस्साम सासनं  
 अनागतम्हि अद्धाने हेस्साम सम्मुखा इमं ॥१९॥  
 यथा मनुस्सा नदि तरन्ता पटितित्थं विरज्झिय  
 हेट्ठा तित्थे गहेत्वान उत्तरन्ति महानदि ॥२०॥  
 एवं एव मयं सब्बे यदि मुञ्चामिमं जिनं  
 अनागतम्हि अद्धाने हेस्साम सम्मुखा इमं ॥२१॥  
 तस्साहं वचनं सुत्वा भीय्यो चित्तं पसादयिं  
 तं एव अत्थं साधेन्तो महारज्जं जिने अदं  
 महारज्जं चजित्वान पब्बजि तस्स सत्तिके ॥२२॥  
 सुत्तन्तं विनयं चापि नवङ्गं सत्थु सासनं  
 सब्बं परियापुणित्वान सोभयिं जिनसासनं ॥२३॥  
 तत्थप्पमतो विहरन्तो निसज्जट्टानचङ्कमे  
 अभिञ्जापारमिं गत्वा ब्रह्मलोकं अगञ्छहं ॥२४॥  
 नगरं रम्मवती नाम सुनन्दो नाम खत्तियो  
 सुजाता नाम जनिका कोण्डञ्जास्स महेसिनो ॥२५॥  
 दसवस्ससहस्सानि अगारं अज्झसो वसि  
 रुचि सुरुचि सुभो तयो पासादवरमुत्तमा ॥२६॥  
 तीणि सतसहस्सानि नारियो समलङ्कता  
 रुचिदेवी नाम नारी विजितसेनो नाम अत्रजो ॥२७॥  
 निमित्ते चतुरो दिस्वा रथयानेन निक्खमि  
 अनूनदसमासानि पधानं पदही जिनो ॥२८॥  
 ब्रम्हुना याचितो सन्तो कोण्डञ्जो द्विपडुत्तमो  
 वत्ति चक्कं महावीरो देवानं नागरुत्तमे ॥२९॥

भद्रोचेव सुभद्रो च अहेसुं अगसावका  
 अनुरुद्धो नाम उपद्राको कोण्डञ्जस्स महेसिनो ॥३०॥  
 तिस्सा च उपतिस्सा च अहेसुं अगसावका  
 सालकल्याणिका बोधि कोण्डञ्जस्स महेसिनो ॥३१॥  
 सोणो च उपसोणो च अहेसुं अगुपट्टका  
 नन्दा चेव सिरिमा च अहेसुं अगुपट्टिका ॥३२॥  
 सो अट्टासीतिहत्थानि अचुगगतो महामुनि  
 सोभति उलूराजा व सुरियो मज्झन्तिके यथा ॥३३॥  
 वस्ससतसहस्सानि आयु विज्जति तावदे  
 तावता तिट्ठमानो सो तारेसि जनतं वहुं ॥३४॥  
 स्त्रीणासवेहि विमलेहि विचित्ता आसि मेदिनी  
 यथा गगनं उलूहि एवं सो उपसोभथा ॥३५॥  
 ते पि नागा अप्पमेय्या असङ्कखोभा दुरासदा  
 विज्जुपातं व दस्सेत्वा निब्बुता ते महायसा ॥३६॥  
 सा च अतुलिया जिनस्स इद्धि — परिभावितो समाधि  
 सब्बं समन्तरहितं ननु रित्ता सब्ब संङ्खारा ॥३७॥  
 कोण्डञ्जो पवरो बुद्धो चन्दारामहि निब्बुतो  
 तत्थेव चेतियो चित्तो सत्तयोजन मुस्सितो ति ॥३८॥

कोण्डञ्जस्स भगवतो वंसो वुत्तियो ॥२॥

#### ४—मंगलो (३)

कोण्डञ्जस्स अपरेन मंगलो नाम नायको  
 तमं लोके निहत्त्वान धम्मोक्कं अभिधारयि ॥१॥  
 अतुलापि पभातस्स जिनेहञ्जोहि उत्तरि  
 चन्दसुरियपभं हत्त्वा दससहस्सी विरोचति ॥२॥  
 सो पि बुद्धो पकासेसि चतुसच्चवस्तमे  
 ते ते सच्चरसं पीत्वा विनोदेन्ति महातमं ॥३॥

पत्वान बोधिं अतुलं पठमे धम्मदेसने  
 कोटिसत्तसहस्सानं पठमाभिसमायो अहु ॥४॥  
 सुरिन्ददेवभवने यदा बुद्धो पकासयि  
 तदा कोटिसहस्सानं दुतियाभिसमयो अहु ॥५॥  
 यदा सुनन्दो चक्कवत्ती सम्बुद्धं उपसंकमि  
 तदा अहनि सम्बुद्धो धम्मभेरिं वरुत्तमं ॥६॥  
 सुनन्दस्सानुचरा जनता तदासुं नवुतिकोटियो  
 सव्वे पि ते निरवसेसा अहेसुं एहि भिक्खुका ॥७॥  
 सन्निपाता तयो आसुं मंगलस्स महेसिनो  
 कोटिसत्तसहस्सानं पठमो आसि समागमो ॥८॥  
 दुतियो कोटिसहस्सानं ततियो नवुतिकोटिनं  
 खीणासवानं विमलानं तदा आसि समागमो ॥९॥  
 अहं तेन समयेन सुखि नाम ब्राह्मणो  
 अज्झायको मंतधरो तिण्णं वेदान पारगू ॥१०॥  
 तं अहं उपसङ्कम्म सरणं गन्त्वान सत्थुनो  
 सम्बुद्धपमुखं सङ्घं गन्धमालेन पूजयि  
 पूजेत्वा गन्धमालेन गवयानेन तप्पयि ॥११॥  
 सो पि मं बुद्धो व्याकासि मंगलो द्विपदुत्तमो  
 अपरिमेय्ये इतो कप्पे अयं बुद्धो भविस्सति ॥१२॥  
 पधानं पदहित्वान कत्वा दुक्करकारियं  
 अनागतमिह अद्धाने हेस्साम समुखा इमं ॥१३॥  
 तस्सा पि वचनं सुत्वा भीय्यो चित्तं पसादयि  
 उत्तरिवातं अधिट्ठासि दसपारमिपूरिया ॥१४॥  
 तदा पीतिं अनुब्रूहन्तो सम्बोधि-वरपत्तिया  
 बुद्धे दत्तना मं गेहं पब्बजिं तस्स सन्तिके ॥१५॥  
 सुत्तन्तं विनयं चापि नवङ्गं सत्थुसासनं  
 सव्वं परियापुणित्वान सोमयिं जिनसासनं ॥१६॥  
 तत्थप्पमत्तो विहरन्तो ब्रह्मं भावेत्वा भावनं  
 अभिञ्जासु पारमिं गन्त्वा ब्रह्मलोकं अगच्छहं ॥१७॥  
 उत्तरं नाम नगरं उत्तरो नाम खत्तियो  
 उत्तरा नाम जनिका मंगलस्स महेसिनो ॥१८॥

नवस्ससहस्सानि अगारं अज्झसो वसि  
 यसवा सुचिमा सिरिमा तयो पासादमुत्तमा ॥१९॥  
 समर्तिससहस्सानि नारियो समलङ्कता  
 यसवती नाम नारी सीवलो नाम अत्रजो ॥२०॥  
 निमित्ते चतुरो दिस्वा अस्सयानेन निक्खमि  
 अनूनकं अट्ठ मासं पधानं पदहि जिनो ॥२१॥  
 ब्रह्मना याचितो संतो मंगलो लोकनायको  
 वत्ति चक्कं महावीरो वने सिरिवस्तमे ॥२२॥  
 सुदेवो धम्मसेनो च अहेसुं अगगसावका  
 पालितो नाम उपट्ठाको मंगलस्स महेसिनो ॥२३॥  
 सीवला च असोका च अहेसुं अगगसाविका  
 बोधि तस्स भगवतो नागस्सखो ति वुच्चति ॥२४॥  
 नन्दो चेव विसाखो च अहेसुं अगगपट्ठका  
 अनुला चेव सुतना च अहेसुं अगगपट्ठि का ॥२५॥  
 अट्ठासीतिरतनानि अन्वुगतो महामुनि  
 ततो निद्धावति रंसी अनेकसतसहस्सियो ॥२६॥  
 नवुतिवस्ससहस्सानि आयु विज्जति तावदे  
 तावता तिट्ठमानो सो तारेसि जनतं वहुं ॥२७॥  
 यथापि सागरे ऊमी न सक्का ता गणेत्तुये  
 तथेव सावका तस्स न सक्का ते गणेत्तुये ॥२८॥  
 यावद् अट्ठासि सम्बुद्धो मंगलो नाम नायको  
 न तस्स सासने अत्थि सङ्किलेसमरणं तदा ॥२९॥  
 धम्मोक्कं धारयित्वान सन्तारेत्वा महाजनं  
 जलित्वा धुमकेतू व निब्बुतो सो महायसो ॥३०॥  
 सङ्खारानं सभावत्तं दस्सयित्वा सदेवके  
 जलित्वा अग्गिक्खन्धो व सूरियो अत्थंगतो यथा ॥३१॥  
 उय्याने वेस्सरो नाम बुद्धो निब्बायि मंगलो  
 तत्थेव तस्स जिन - थूपो तिसयोजनमुग्गतोति ॥३२॥

मंगलस्स भगवतो वंसो ततियो ॥३३॥

## ५—सुमनो ( ४ )

मंगलस्स अपरेत सुमनो नाम नायको  
 सब्बधम्मोहि असमो सब्बसत्तानं उत्तमो ॥१॥  
 सो पि तदा अमतभेरिं अहनि मेखले पुरे  
 धम्मसंखसमायुत्तं नवङ्गं जिनसासनं ॥२॥  
 जिनित्वान किलेसे सो पत्तो सम्बोधिमुत्तमं  
 मापेसि नगरं सत्था धम्मपुरवरुत्तमं ॥३॥  
 निरन्तरं अकुतिलं उज्जुविपुलवितत्थतं  
 मापेसि सो महावीथिं सनिपट्ठानधम्मनवरुत्तमं ॥४॥  
 फले चत्तारि सामञ्ज्जो चतस्सो पटिसंभिदा  
 छल्लभि ज्जा अट्ठ समापत्ती पसारेसि तथा वीथियं ॥५॥  
 ये अप्पमत्ता अखिला हिरिविरियेहुपागता  
 तेते इमे गुणवरे आदियन्ति यथा सुखं ॥६॥  
 एवं एतेन योगेन उद्धरन्तो महाजनं  
 बोधेसि पठमं सत्था कोटिसतसहस्सियो ॥७॥  
 यम्हि लोके महावीरो ओवदी तित्थिये गणे  
 कोटिसहस्सभिसमिसु दुतिये धम्मदेसने ॥८॥  
 यदा देवा मनुस्सा च समग्गा एकमानसा  
 निरोधपञ्चं पुच्छिंसु संसयञ्ज् चापि मानसं ॥९॥  
 तदापि धम्मदेसने निरोधपरिदीपने  
 नवुतिकोटिसहस्सानं तित्थियाभिसमयो अहु ॥१०॥  
 सन्निपाता तयो आसुं समनस्स महेसिनो  
 खीणासवानं विमलानं संतचित्तानं तादिनं ॥११॥  
 वस्सं बुद्धस्स भगवतो अभिगुट्ठे पवारणो  
 कोटिसतसहस्सेहि पवारेसि तथागतो ॥१२॥  
 ततो परं सन्निपाते विमला कञ्चनपब्बते  
 नवुतिकोटिसहस्सानं दुतियो आसि समागमो ॥१३॥  
 यदा सक्को देवराजा बुद्धदस्सनुपागमि  
 असीति कोटिसहस्सानं ततियो आसि समागमो ॥१४॥



अहं तेन समयेन नागराजा महिद्धिको  
 अतुलो नाम नामेन उस्सन्नकुसलपच्चयो ॥१५॥  
 तदाहं नागभवना निक्खमित्वा सज्जातीहि  
 नागानं दिब्बतुरियेहि ससङ्घं जिनं उपट्ठहि ॥१६॥  
 कोटिसतसहस्सानं अन्नपानेन तप्पयिं  
 पच्चेकदुस्सयुगं दत्त्वा सरणं तं उपागमिं ॥१७॥  
 सो पि मं बुद्धो व्याकासि सुमनो लोकनायको  
 अपरिमेय्ये इतौ कप्पे अयं बुद्धो भविस्सति ॥१८॥  
 पधानं पदहित्वान कत्वा दुक्करकारियं  
 अनागतमिह अद्धाने हेस्साम सम्मुखा इमं ॥१९॥  
 तस्सापि वचनं सुत्वा भीय्यो चित्तं पसादयि  
 उत्तरिवतं अधिट्ठासि दसपारमिपूरिया ॥२०॥  
 मेखलं नाम नगरं सुदत्तो नाम खत्तियो  
 सिरिमा नाम जनिका सुमनस्स महेसिनो ॥२१॥  
 नववस्ससहस्सानि अगारं अज्झसो वसि  
 चन्दो सुचन्दो वटंसो च तयो पासादमुत्तमा ॥२२॥  
 तेसट्ठिसहस्सानि नारियो समलंकता  
 वटंसिका नाम नारी अनुपमो नाम अन्नजो ॥२३॥  
 निमित्ते चतुरो दिस्वा हत्थियानेन निक्खमि  
 अनूनदसमासानि पधानं पदही जिनो ॥२४॥  
 ब्रह्मना याचितो सन्तो सुमनो लोकनायको  
 वत्ति चक्कं महावीरो मेखले पूरवुत्तमे ॥२५॥  
 सरणो भावित्तो च अहेसुं अगसावका  
 उदेनो नामुपट्ठाको सुमनस्स महेसिनो ॥२६॥  
 सोणा च उपसोणा च अविस्सू अगसाहेका  
 सो पि बुद्धो अमितयसो नागमूले अबुज्झथा ॥२७॥  
 वरुणो च सरणो च अहेसुं अगुपट्ठका  
 चाळा च उपचाळा च अहेसुं अगुपट्ठिका ॥२८॥  
 उच्चतरेन सो बुद्धो नावुतिहत्थसमुगगतो  
 कञ्चनग्घियसंकासो दससहस्सी विरोचति ॥२९॥  
 नवुतिवस्ससहस्सानि आयु विज्जति तावदे  
 तावता तित्थमानो सो तारेसि जनतं वहं ॥३०॥

तारणीये तारयित्वा बोधनीये च बोधयि  
 परिनिब्बायि सम्बुद्धो उलुराजा व अट्टमि ॥३१॥  
 ते च खीणासवा भिक्खू सो च बुद्धो असदिसो  
 अतुलं पभं दस्सयित्वा निब्बुता ते महायसा ॥३२॥  
 तच्च च जाणं अतुलियं तानि चतुलियानि रतनानि  
 सब्बं समन्तरहितं ननु रिता सब्बसङ्खारा ॥३३॥  
 सुमनो यसघरो बुद्धो अङ्गारामहि निव्वुतो  
 तत्थेव तस्स जिनथूपो चतुयोजनं उगगतोति ॥३४॥  
 सुमनस्स भगवतो वंसो चतुत्थो ॥४॥

### ६—रेवतो ( ५ )

सुमनस्स अपरेन रेवतो नाम नायको  
 अनुपमो असदिसो अतुलो उत्तमो जिनो ॥१॥  
 सो पि धम्मं पकासेसि ब्रह्मना अभियाचितो  
 खन्धधातुववत्थानं अप्पवत्तं भवाभवे ॥२॥  
 तस्साभिसमये तीणि अहेसुं धम्मदेसने  
 गणनाय न वत्तब्बो पठमाभिसमयो अहु ॥३॥  
 यदा अरिन्दमं राजं विनेसि रेवतो मुनि  
 तदा कोटिसतस्सहस्सानं दुतियाभिसमयो अहु ॥४॥  
 सत्ताहं पटिसल्लाना उट्टु हित्वा नरासभो  
 कोटिसतं नरमरुनं विनेसि उत्तमे फले ॥५॥  
 सन्निपाता तयो आसुं रेवतस्स महेसिनो  
 खीणासवानं विमलानं सुविमुत्तानं तादिनं ॥६॥  
 अतिक्कन्ता गणनपथा पठमा ये समागता  
 कोटि सतसहस्सानं दुतियो आसि समागमो ॥७॥  
 यो सो पञ्चाय असमो तस्स चक्कानुवत्तको  
 सो तदा व्याधितो आसि पत्तो जीवितसंसयं ॥८॥

तस्स गिलानपुच्छाय ये तदा उपगता मुनि  
 कोटिसतसहस्सा अरहन्तो ततियो आसि समागमो ॥९॥  
 अहं तेन समयेन अतिदेवो नाम ब्राह्मणो  
 उपगन्त्वा रेवतं बुद्धं सरणं तस्स गच्छहं ॥१०॥  
 तस्स सीलं समाधीञ् च पञ्चागुणवरूत्तमं ।  
 थोमयित्वा यथा थोमं उत्तरीयं अदासहं ॥११॥  
 सो पि मं बुद्धो व्याकासि रेवतो लोकनायको ।  
 अपरिमेय्ये इतो कप्पे अयं बुद्धो भविस्सति ॥१२॥  
 पधानं पदहित्वान कत्वा दुक्करकारियं ।  
 अनागतमिह अद्धाने हेस्साम सम्मुखा इमं ॥१३॥  
 तस्सापि वचनं सुत्वा भीय्यो चितं पसादयि ।  
 उत्तरिवतं अधिद्वासि दसपारमिपूरिया ॥१४॥ ।  
 तदा पि तं बुद्धधम्मं सरित्वा अनुवूहयिं ।  
 आहरिस्सामि तं धम्मं यं मय्हं अभिपत्थितं ॥१५॥  
 नगरं सुधञ्जकं नाम विपुलो नाम खत्तिया ।  
 विपुला नाम जनिका रेवतस्स महेसिनो ॥१६॥  
 छब्बस्ससतसहस्सानि अगारं अज्झसो वसि ।  
 सुदस्सनो नाम देवी वरुणो नाम अन्नजो ॥  
 पुञ्जकम्माभिनिब्बत्ता तयो पासादमुत्तमा ॥१७॥  
 तेत्तिस-सहस्सानि नारियो समलङ्कता ।  
 सुदस्सना नाम देवी वरुणे नाम अन्नचो ॥१८॥  
 निमित्ते चतुरो दिस्वा रथयानेन निक्खमि ।  
 अनूनसत्तमासानि पधानं पदहिं जिनो ॥१९॥  
 ब्रह्मना याचितो सन्तो रेवतो लोकनायको ।  
 वत्ति चक्कं महावीरो वरुणारामे सिरिघणे ॥२०॥  
 वरुणो ब्रह्मादेवो च अहेसुं अगसावका ।  
 सम्भवो नामुपट्ठाको रेवतस्स महेसिनो ॥२१॥  
 भद्दा चेव सुभद्दा च अहेसुं अगसाविका ।  
 सो पि बुद्धो असमसमो नागमूले अवुज्झथा ॥२२॥  
 पटुमो कुज्जरो चेव अहेसुं अगुपट्टका ।  
 सिरिमा चेव यसवती अहेसुं अगुपट्टिका ॥२३॥

उच्चतरेन सो बुद्धो असीतिहृत्थमुग्गतो ।  
 ओभासेति दिसा सब्बा इन्दकेतु व उग्गतो ॥२४॥  
 तस्स सरीरे निब्बता पभामाला अनुत्तरा ।  
 दिवा वा यदि वा रत्ति समन्ता फरि योजनं ॥२५॥  
 सट्ठि वस्ससहस्सानि आयु विज्जति तावदे  
 तावता तिट्ठमानो सो तारेसि जनतं बहुं ॥२६॥  
 दस्सयित्वा बुद्धबलं अमतं लोके पकासयं  
 निब्बायि अनुपादानो यथग्गपादानसंखया ॥२७॥  
 सो च कायो रतननिभो सो च धम्मो असादिसो  
 सब्बं समन्तरहितं ननु रिक्ता सब्बसंखारा ॥२८॥  
 रेवतो यसधरो बुद्धो निब्बुतो सो महामुनि  
 धातुवित्थारिकं आसि तेषु तेषु पदेसतो ति ॥२९॥

रेवतस्स भगवतो वंसो पञ्चमो ॥५॥

### ७—सोभितो ( ६ )

रेवतस्स अपरेन सोभितो नाम नायको  
 समाहितो सन्तचित्तो असमो अप्पटिपुग्गलो ॥१॥  
 सो जिनो सकगेहम्मिह मानसं विनिवत्तयि  
 पत्वान केवलं बोधिं धम्मचक्कं पवत्तयि ॥२॥  
 याव उद्धं अवीचितो भवग्गा चापि हेट्ठतो  
 एत्थन्तरे एकपरिसा अहोसि धम्मदेसने ॥३॥  
 ताय परिसाय सम्बुद्धो धम्मचक्कं पवत्तयि  
 गणनाय न वत्तब्बो पठमाभिसमयो अहु ॥४॥  
 ततो परम् पि देसेन्ते नरमरुत्तं समागमे  
 नवुतिकोटिसहस्सानं दुतियाभिसमयो अहु ॥५॥  
 पुत्तापरं राजपुत्तो जयसेनो नाम खत्तियो  
 आरामं रोपयित्वान बुद्धे नीयातयि तदा ॥६॥

तस्स योगं पकित्तेन्तो धम्मं देसेसि चक्खुमा  
 तदा कोटिसहस्सानं ततियाभिसमयो अहु ॥७॥  
 सन्निपाता तयो आसुं सोभतस्स महेसिनो  
 खीणासवानं विमलानं सन्तचित्तं तादिनं ॥८॥  
 उग्गतो नाम सो राजा दानं देति नरुत्तमे  
 तस्मिं दाने समागञ्छुं अरहन्ता सत्तकोटियो ॥९॥  
 पुनापरं पुरगणो दानं देति नरुत्तमे  
 तदा नवुतिकोटिनं दुतियो आसि समागमो ॥१०॥  
 देवलोके वसित्वान यहा ओरोहति जिनो  
 तदा असीतिकोटिनं ततियो आसि समागमो ॥११॥  
 अहं तेन समयेन सुजातो नाम ब्राह्मणो  
 तदा ससावकं बुद्धं अन्नपानेन तप्पयिं ॥१२॥  
 सो पि मं बुद्धो व्याकासि सोभितो लोकनायको  
 अपरिमेय्ये इतो कप्पे अयं बुद्धो भविस्सति ॥१३॥  
 पधानं पदहित्वानो . . . . . पे. . . . . (४।१३)  
 . . . . . पे. . . . . हेस्साम सम्मुखा इमं ॥१४॥  
 तस्सा पि वचनं सुत्वा हट्ठो संविग्गमानसो  
 तमेव अत्थं अनुपत्तिया उग्गं धित्तिं अकासहं ॥१५॥  
 सुधम्मं नगरं सुधम्मो नाम खत्तियो  
 सुधम्मा नाम जनिका सोभितस्स महेसिनो ॥१६॥  
 नववस्ससहस्सानं अगारं अज्झसो वसि  
 कुमुदो नळिरो पटुमो तयो पासादमुत्तमा ॥१७॥  
 असत्तति सहस्सानि नारियो समलङ्कता  
 समङ्गी नाम सा नारी सीहो नाम आसि अन्नजो ॥१८॥  
 निमित्ते चतुरो दिस्वा पासादेनाभिनिक्खमि  
 सत्ताहं पधानचारं चरित्वा पुरिसुत्तमो ॥१९॥  
 ब्रह्मणा याचितो सन्तो सोभितो लोकनायको  
 वत्ति चक्कं महावीरो सुद्धमुय्यानमुत्तमे ॥२०॥  
 असमो च सुनेत्तो च अहेसुं अगगसावका  
 अनुमो नामुपट्ठाको सोभितस्स महेसिनो ॥२१॥  
 नकुला च सुजाता च अहेसुं अगगसाविका  
 बुज्झमानो च सो बुद्धो नागमूले अबुज्झधा ॥२२॥

रम्मो चेव सुदत्तो च अहेसुं अग्गुपट्टका  
 नकुला चेव चित्ता च अहेसुं अग्गुपट्टिका ॥२३॥  
 अट्ठपञ्जासरतनं अच्चुग्गतो महामुनि  
 ओभासेति दिसा सब्बा सतरंसी व उग्गतो ॥२४॥  
 यथा सुफुल्लं पवनं नाना गन्धेहि धूपितं  
 तथेव तस्स पावचनं सीलगन्धेहि धूपितं ॥२५॥  
 यथापि सागरो नाम दस्सनेन अतप्पियो  
 तथेव तस्स पावचनं सवनेन अतप्पियं ॥२६॥  
 नवुतिवस्ससहस्सानि आयु विज्जति तावदे  
 तावता तिट्ठिमानो सो तारेसि जनतं वहुं ॥२७॥  
 ओवाढं अनुसिट्ठिञ्च च दत्तवान् सेसके जने  
 हुतासनो व तापेत्वा निब्बुतो सो ससावको ॥२८॥  
 सो च बुद्धो असमसमो ते पि च सावका बलप्पत्ता  
 सब्बं समन्तरहितं ननु रिक्ता सब्बसङ्खारा ॥२९॥  
 सोभितो वरसम्बुद्धो सीहारामम्हि निब्बुतो  
 धातुवित्थरिकं आसि तेसु तेसु पदेसतो ति ॥३०॥

सोभितस्स भगवतो वंसो छट्ठमो ॥६॥

### ८—अनोमदस्सि ( ७ )

सोभितस्स अपरे सम्बुद्धो द्विपदुत्तमो  
 अनोमदस्सि अमितयसो तेजसि दुरतिक्कमो ॥१॥  
 सो छेत्वा बन्धनं सब्बं विधंसेत्वा तयो भवे  
 अनिवत्ति-गमनं मगं देसेसि देवमानुसे ॥२॥  
 सागरो व असङ्खोभो पब्बतो व दुरासदो  
 आकासो व अनन्तो सो सालराजा व फुल्लितो ॥३॥  
 दस्सनेन पि तं बुद्धं तोसिता होन्ति पाणिनो  
 व्याहरन्तं गिरं सुत्वा अमतं पापुणन्ति ते ॥४॥

धम्माभिसमयो तस्स इद्धो फीतो तदा अहु  
 कोटिसतानि अभिसमिषु पठमे धम्मदेसने ॥५॥  
 ततो परं पि अभिसमये वस्सन्ते धम्मवुट्ठियो  
 असीति कोटियो अभिसमिषु दुतिये धम्मदेसने ॥६॥  
 ततो परं पि वस्सन्ते तप्पयन्ते च पाणिनं  
 अट्टसत्तत्तिकोटीनं ततियाभिसमयो अहु ॥७॥  
 सन्निपाता तयो आसुं तस्सापि च महेसिनो  
 अभिञ्जाबलप्पत्तानं पुप्फितानं विमुत्तिया ॥८॥  
 अट्टसत्तसहस्सानं सन्निपाता तदा अहु  
 पहीनमदमोहनं सन्तचित्तं तादिनं ॥९॥  
 सत्तसत्तसहस्सानं दुतिया सि समागमो  
 अनंगनानं विरजानं उपसन्तानं तादिनं ॥१०॥  
 छन्नं सत्तसहस्सानं तातियो आसि समागमो  
 अभिञ्जाबलप्पत्तानं निव्वुतानं तप्पस्सिनं ॥११॥  
 अहं तेन समयेन यक्खो आसि महिद्धिको  
 नेकानं यक्खकोटीनं वसवत्तिहि इस्सरो ॥१२॥  
 तदापि तं बुद्धवरं उपगन्त्वा महेसिनं  
 अन्नपानेन तप्पेसिं ससङ्खं लोकनायकं ॥१३॥  
 सो पि मं तदा व्याकासि विसुद्धनयनो मुनि  
 अपरिमेय्ये इतो कप्पे अयं बुद्धो भविस्सति ॥१४॥  
 पधानं पदहित्वान.....पे..... (४।१३)  
 ..... पे. .... हेस्साम सम्मुखा इमं ॥१५॥  
 तस्सा पि वचनं सुत्वा हट्ठो संविग्गमानसो  
 उत्तरिवतं अद्धिट्ठासि दसपारमिपूरिया ॥१६॥  
 नगरं चन्दवती नाम यसवा नाम खत्तियो  
 माता यसोधरा नाम अनोमदस्सिस्स सत्थुनो ॥१७॥  
 दसवस्ससहस्सानि अगारं अज्झसो वसि  
 सिरि उपसिरि वड्ढोतयो पासादमुत्तमा ॥१८॥  
 तेवीसत्तिसहस्सानि नारियो समलङ्कता  
 सिरिमा नाम नारी च उपवानो नाम अत्रजो ॥१९॥  
 निमित्ते चतुरो दिस्वा सिविकाया भिनिक्खमि  
 अनूनदसमासानि पधानं पदहिं जिनो ॥२०॥

ब्रह्मना याचितो संतो अनोमदस्सी महामुनि  
 वत्ति चक्कं महावीरो उय्याने सो सुदस्सने ॥२१॥  
 निसभो च असोको च अहेसुं अग्गसावका  
 वरुणो नामुपट्ठाको अनोमदस्सिस्स सत्थुनो ॥२२॥  
 सुन्दरी च सुमना च अहेसुं अग्गसाविका  
 बोधि तस्स भगवतो अज्जुनो ति पवुच्चति ॥२३॥  
 नन्दिवड्ढो सिरिवड्ढो अहेसुं अग्गुपट्ठाका  
 उप्पला चेव पटुमा च अहेसुं अग्गुपाट्ठिका ॥२४॥  
 अट्ठ पञ्जासरतनं अच्चुगतो महामुनि  
 पभा निद्धावति तस्स सतरंसि व उग्गतो ॥२५॥  
 वस्ससतसहस्सानि आयु विज्जति तावदे  
 तावता तिट्ठमानो सो तारेसि जनतं बहुं ॥२६॥  
 सुपुप्फितं पावचनं अरहन्तेहि तादिहि  
 वीतरागेहि विमलेहि सोभित्थि जिन-सासनं ॥२७॥  
 सो च सत्था अमितयसो युगानि तानि अनुलियानि  
 सब्बं समन्तरहितं ननु रिता सब्बसङ्खारा ॥२८॥  
 अनोमदस्सि जिनो सत्था धम्मारामम्हि निब्बुतो  
 तत्थेव तस्स जिनथूपो उब्बेधो पञ्जवीसति ति ॥२९॥

अनोमदस्सिस्स भगवतो वंसो सत्तमो ॥७॥

### ६—पटुमो ( ८ )

अनोमदस्सिस्स अपरेन सम्बुद्धो द्विपटुत्तमो  
 पटुमो नाम नामेन असमो अप्पटिपुग्गलो ॥१॥  
 तस्सापि असमं सीलं समाधि पि अनन्तका  
 असङ्खेय्यं आणवरं विमुत्ति पि अनुपमा ॥२॥  
 तस्स पि अनुलतेजस्स धम्मचक्कप्पवत्तने  
 अभिसमया तयो आसुं महातपवाहना ॥३॥



पठमाभिसमये बुद्धो कोटिसतं अबोधयि  
 दुतियाभिसमये धीरो नवुतिकोटि अबोधयि ॥४॥  
 यदा च पदुमो बुद्धो ओवदि सकं अत्रजं  
 तदा असीति कोटी नं तितियाभिसमयो अहु ॥५॥  
 सन्निपाता तयो आसुं पदुमस्स महेसिनो  
 कोटिसतसहस्सानं पठमो आसि समागमो ॥६॥  
 कठिनत्थारसमये उप्पन्ने कठिनचिवरे  
 धम्मसेनापतत्थाय भिक्खु सिब्बिसु चीवरं ॥७॥  
 तदा ते विमला भिक्खू छळभिज्ज्जा महिद्धिका  
 तानि सतसहस्सानि सभिसु अपराजिता ॥८॥  
 पुनापरं सो नरासभो पवने वासं उपागमि  
 तदा समागमो आसि द्विजं सतसहस्सानं ॥९॥  
 अहं तेन समयेन सीहो आसि मिगाधिभू  
 विवेकं अनुब्रूहन्तं पवने अहसं जिनं ॥१०॥  
 वन्दित्वा सिरसा पादे कत्वान तं पदक्खिणं  
 तिक्खत्तुं अभिनन्दित्वा सत्ताहं जिनं उपट्ठहिं ॥११॥  
 सत्ताहं वरसमापत्तिया बुद्धित्वा तथागतो  
 मनसा चिन्तयित्वान कोटि भिक्खू समानयि ॥१२॥  
 तदापि सो महावीरो तेसं मज्झे वियाकरि  
 अपरिमेय्ये इतो कप्पे अयं बुद्धो भविस्सति ॥१३॥  
 पधानं पदहित्वान . . . . . पे. . . . . (४।१३)  
 . . . . . पे. . . . . हेस्साम सम्मुखा इमं ॥१४॥  
 तस्सापि वचनं सुत्वा भीय्यो चित्तं पसादयि  
 उत्तरिवतं अधिट्ठासिं दसपारमिपूरिया ॥१५॥  
 चंपकं नाम नगरं असमो नाम खत्तियो  
 असमा नाम जनिका पदुमस्स महेसिनो ॥१६॥  
 दसवस्ससहस्सानि अगारं अज्झसो वसि  
 नन्दा च सुयसा उत्तरा तयो पासादमुत्तमा ॥१७॥  
 तेत्तिससतसहस्सानि नारियो समलंकता  
 उत्तरा नाम सा नारी रम्मो नामासि अत्रजो ॥१८॥  
 निमित्ते चतुरो दिस्वा रथयानेन निक्खमि  
 अनूनकं अड्ढ मासं पधानं पदहिं जिनो ॥१९॥

ब्रह्मना याचितो संतो पदुमो लोकनायको  
 वत्ति चक्कं महावीरो धनञ्जुप्यानमुत्तमे । २०॥  
 सालो च उपसालो च अहेसुं अग्गसावका  
 वरुणो नाम उपट्ठाको पदुमस्स महेसिनो ॥२१॥  
 राधा चेव सुराधा च अहेसुं अग्गसाविका  
 बोधि तस्स भगवतो महासोणोति वुच्चति ॥२२॥  
 भीय्यो चेव असमो च अहेसुं अग्गुपट्ठका  
 रुची च नन्दरामा च अहेसुं अग्गुपाट्ठिका ॥२३॥  
 अट्ठपञ्जासरतनं अच्चुगतो महामुनि  
 पभा निद्धावति तस्स असमा सब्बसो दिसा ॥२४॥  
 चन्दप्पभा सुरियप्पभा रतनग्घिमणिप्पभा  
 सब्बा पिताहता होन्ति पत्वा जिनप्पभुत्तमं ॥२५॥  
 वस्ससतसहस्सानि आयु विज्जति तावदे  
 तावता तिट्ठमानो सो तारेसि जनतं बहुं ॥२६॥  
 परिपक्कमानसे सत्ते बोधियित्वा असेसतो  
 सेसके अनुसासेत्वा निब्बुतो सो ससावको ॥२७॥  
 उरगो व तचं जिण्णं बुड्ढं पत्तं व पादपो  
 जह्तिवा सब्बसङ्खारे निब्बुतो सो यथा सिखीति ॥२८॥  
 पदुमो जिनवरो सत्था धम्ममारमहि निब्बुतो  
 धातुवित्थारिकं आसि तेसु तेसु पदेसतो ति ॥२९॥

पदुमस्स भगवतो वंसो अट्ठमो ॥८॥

### १०—नारदो ( ६ )

पमदुमस्स अपरेन सम्बुद्धो द्विपदुत्तमो  
 नारदो नाम नामेन असमो अप्पट्ठिपुग्गलो ॥१॥  
 सो बुद्धो चक्कवट्ठिस्स जेट्ठो दयिता-ओरसो  
 आमुत्तमलयाभरणो उय्यानं उपसङ्कमि ॥२॥

तत्रासि रुक्खो यसवपुलो अभिरूपो ब्रह्मासुचि  
 तं अज्झपत्वा निसीदि महासोणस्स हेट्ठतो ॥३॥  
 तस्स जाणवरुप्पज्जि अनन्तं वजिरूपमं  
 तेन विचिनि सङ्खारे उकुज्जं अवकुज्जकं ॥४॥  
 तत्थ सव्वकिलेसानि असेसं अभिवाहयि  
 पापुणी केवलं बोधिं बुद्धजाणञ् च चुद्दसं ॥५॥  
 पापुणित्वान् सम्बोधिं धम्मचक्कं पवत्तयि  
 कोटिसत्तसहस्सानं पठमाभिसमयो अहु ॥६॥  
 महादोनं नागराजं विनयतो महामुनि  
 पाटिहेरं तदाकासि दस्सयन्तो सदेवके ॥७॥  
 तदा देवमनुस्सानं तम्हि धम्मपकासने  
 नवुत्ति कोटिसहस्सानं तस्सि सु सव्वसंसयं ॥८॥  
 यम्हि काले महावीरो ओवदि सकं अन्नजं  
 असीति कोटिसहस्सानं ततियाभिसमयो अहु ॥९॥  
 सन्निपाता तयो आसुं नारदस्स महेसिनो  
 कोटिसत्तसहस्सानि पठमो आसि समागमो ॥१०॥  
 यदा बुद्धो बुद्धगुणं सनिदानं पकासयि  
 नवुत्ति कोटिसहस्सानं सस्मिं सु विमला तदा ॥११॥  
 यदा वेरोचनो नागो दानं ददाति सत्थुनो  
 तदा सस्मिं सु जिनपुत्ता असीतिसत्तसहस्सियो ॥१२॥  
 अहं तेन समयेन जटिलो उग्गतापिनो  
 अन्तल्लिक्ख-चरो आसि पञ्चाभिञ्जासु पारगू ॥१३॥  
 तदा पाहं असमसमं ससङ्खं सपरिजनं  
 अन्नपानेन तपेत्वा चन्दनेनाभिपूजयि ॥१४॥  
 सो पि मं तदा व्याकासि नारदो लोकनायको  
 अपरिमेय्ये इतो कप्पे अयं बुद्धो भविस्सति ॥१५॥  
 पधानं पदहित्वान् . . . . . पे . . . . . (४११३)  
 . . . . . पे . . . . . हेस्साम सम्मुखा इमं ॥१६॥  
 तस्सापि वचनं सुत्वा भीय्यो हासेत्वा मानसं  
 अभिट्ठहि वतं उग्गं दसपारभिपूरिया ॥१७॥  
 नगरं धञ्जवती नाम सुदेवो नाम खत्तियो  
 अनोमा नाम जनिका नारदस्स महेसिनो ॥१८॥

नववस्ससहस्सानि अगारं अज्झसो वसि  
 जिताविजिताभिरामा तयो पासादमुत्तमा ॥१९॥  
 तिचत्तारीससहस्सानि नारियो समलङ्कता  
 जितसेना नाम नारी नन्दुत्तरो नाम अत्रजो ॥२०॥  
 निमित्ते चतुरो दिस्वा पदसा गमनेन निक्खमि  
 सत्ताहं पधान चारियं अचरि लोकनायको ॥२१॥  
 ब्रह्मना याचितो संतो नारदो लोकनायको  
 वत्ति चक्कं महावीरो धनञ्जुय्यानमुत्तमे ॥२२॥  
 भट्टसालो जितमित्तो अहेसुं अग्गसावका  
 व सेट्ठो नामुपट्ठको नारदस्स महेसिनो ॥२३॥  
 उत्तरा फग्गुनी चेव अहेसुं अग्गसाविका  
 बोधि तस्स भगवतो महासोणो ति वुच्चति ॥२४॥  
 उग्गरिन्दो वसभो च अहेसुं अग्गुपट्ठका  
 इन्दवरी च चण्डी च अहेसुं अग्गुपट्ठिका ॥२५॥  
 अट्ठासीतिरतनानि अच्चुगतो महामुनि  
 कञ्चनगिक्कसङ्कासो दससहस्सि विरोचथ ॥२६॥  
 तस्स व्यामप्पभा काया निद्धावन्ति दिसोदिसं  
 निरतरं दिवा रत्ति योजनं फरते दिसा ॥२७॥  
 न केचि तेन समयेन समन्ता योजने जना  
 उक्का पदीपे उज्जलेन्ति बुद्धरंसेन ओत्थता ॥२८॥  
 नवुति वस्ससहस्सानि आयु विज्जति तावदे  
 तावता तिट्ठमानो सो तारेसि जनतं बहू ॥२९॥  
 यथा उल्लुभिगगनं विचित्तं उपसोभति  
 तथेव सासनं तस्स अरन्तेहि सोभति ॥३०॥  
 संसारसोतं तरणाय सेसके पटिपन्नके  
 धम्मसेतुं दळ्हं कत्वा निब्बुतो सो नरासभो ॥३१॥  
 सो पि बुद्धो असमसमो ते पि खीणासवा अतुलतेजा  
 सब्बं समन्तरहितं ननु रिक्ता सब्बसङ्कारा ॥३२॥  
 नारदो जिनवसभो निब्बुतो सुदस्सने पुरे  
 तत्थेव जिनथूपवरो चतुयोजनं उग्गतो ति ॥३३॥  
 नारदस्स भगवतो वंसो नवमो ॥९॥

## ११—पदुमुत्तरो ( १० )

नारदस्स अपरेन सम्बुद्धो द्विपदुत्तमो  
 पदुमुत्तरो नाम जिनो अक्खोब्भो सागरूपितो ॥१॥  
 मण्डकप्पो व सो आसि यम्हि बुद्धो अजायथ  
 उस्सन्नकुसला जनता तम्हि कप्पे अजायथ ॥२॥  
 पदुमुत्तरस्स भगवतो पठमे धम्मदेसने  
 कोटिसतसहस्सानं धम्माभिसमयो अहु ॥३॥  
 ततो परं हि वस्सन्ते तप्पयन्ते च पाणिने  
 सत्तत्तिसहस्सानं दुतियाभिसमयो अहु ॥४॥  
 यम्हि काले महावीरो आनन्दं उपसङ्कमि  
 पितु सत्तिकं उपगन्त्वा अहनि अमतदुद्गभि ॥५॥  
 अहते धम्मभेरिम्हि वस्सन्ते धम्मवट्ठियो  
 पञ्जाससतसहस्सानं तितियाभिसमयो अहु ॥६॥  
 ओवादको विञ्जापको तारको सब्बपाणिनं  
 देसनाकुसलो बुद्धो तारेसि जनतं वहुं ॥७॥  
 सन्निपाता तयो आसुं पदुमुत्तरस्स सत्थुनो  
 कोटिसतसहस्सानं पठमो आसि समागमो ॥८॥  
 यदा बुद्धो असमसमो वसति वेभारपब्बते  
 नवुत्ति कोटिसहस्सानं दुतियो आसि समागमो ॥९॥  
 पुन चारिकं पक्कन्ते गामनिगरट्ठतो  
 असीतिकोटि सहस्सानं ततियो आसि समागमो ॥१०॥  
 अहं तेन समयेन जत्तिळो नाम रट्ठिको  
 सम्बुद्धपमुखं सङ्घं सभत्तदुस्सं अदासहं ॥११॥  
 सो पि मं बुद्धो व्याकासि सङ्घमज्झो निसीदिय  
 सतसहस्से इतो कप्पे अयं बुद्धो भविस्सति ॥१२॥  
 पधानं पदहित्वान. . . . . पे. . . . . (४।१३)  
 . . . . . पे. . . . . हेस्साम सम्मुखा इमं ॥१३॥  
 तस्सापि वचनं सुत्वा उत्तरिवत्तं उधिट्ठहिं  
 अकासि मग्गं दळ्हं धित्तिं दसपारमिपूरिपा ॥१४॥

व्याहता तिथिया सब्बे विमना दुम्मना तदा  
 न तेसं केचि परिचरन्ति रट्ठतो निच्छुभन्ति च ॥१५॥  
 सब्बे तत्थ समागत्वा उपगच्छं बुद्धसन्तिके  
 तुवं नाथो महावीर सरणं होहि चक्खुमा ! ॥१६॥  
 अनुकम्पको कारुणिको हितेसि सब्बपाणिनं  
 सम्पत्ते तिथिये सब्बे पञ्चसीले पतिट्ठहि ! ॥१७॥  
 एवं निराकुलं आसि सुञ्जतं तिथियेहि तं  
 विचित्तं अरहन्तेहि वसिभूतेहि तादिहि ! ॥१८॥  
 नगरं हंसवती नाम आनन्दो नाम खत्तियो  
 सुजाता नाम जनिका पदुमुत्तरस्स महेसिनो ॥१९॥  
 दसवस्ससहस्सानि अगारं अज्झसो वसि  
 नारवाहनो यसी वसवत्ति तयो पासादमुत्तमा ॥२०॥  
 तिचत्तारिससहस्सानि नारियो समलङ्कता  
 वसुदत्ता नाम नारी उत्तरो नाम अत्रजो ॥२१॥  
 निमित्ते चतुरो दिस्वा पासादेनाभिनिक्खमि  
 सत्ताहं पधानचारं अचरि परिसुत्तमो ॥२२॥  
 बह्मुना याचितो सन्तो पदुमुत्तरो विनायको  
 वत्ति चक्कं महावीरो मिथिलुप्प्यानमुत्तमे ॥२३॥  
 देवलो च सुजातो च अहेसुं अगसावका  
 सुमनो नामुपट्ठाको पदुमुत्तरस्स महेसिनो ॥२४॥  
 अमिता असमा चेव अहेसुं अगसाविका  
 बोधि तस्स भगवतो सल्लो ति पवुच्चति ॥२५॥  
 वित्तिण्णो चेव तिस्सो च अहेसुं अगुपट्ठिका  
 हत्था चेव विचित्ता च अहेसुं अगुपट्ठिका ॥२६॥  
 अट्ठपञ्चासरतनं अच्चुगतो महामुनि  
 कञ्चनग्घिकसंकासो द्वित्तिसवरलक्खणो ॥२७॥  
 कुताकवाटा भित्ति च रुक्खा नग-सिलुच्चया  
 न तस्सावरणं अत्थि समन्ता द्वादसयोजने ॥२८॥  
 वस्ससतसहस्सानि आयु विज्जति तावदे  
 तावता तिट्ठमानो सो तारेसि जनतं बह्मुं ॥२९॥  
 सन्तारेत्वा बहुजनं छिन्देत्वा सब्बसंसयं  
 जलित्वा अग्गिखन्धो व निब्बुतो सो ससावको ॥३०॥

पदुमुत्तरो जिनो बुद्धो नन्दारामहि निब्बुतो  
तत्थेव तस्स थूपवरो द्वादसुब्बेधयोजनो ति ॥३१॥

पदुमुत्तरस्स भगवतो वंसो वसमो ॥१०॥

### १२—सुमेधो ( ११ )

पदुमुत्तरस्स अपरेन सुमेधो नाम नायको  
दुरासदो उगतेजो सब्ब लोकुत्तरो मुनि ॥१॥  
पसन्ननेत्तो सुमुखो ब्रह्मा उजुपतापवा  
हितेसि सब्बसत्तानं बहू मोचेसि बन्धना ॥२॥  
यदा बुद्धो पापुणित्वा केवलं बोधिं उत्तमं  
सुदस्सनमिह नगरे धम्मचक्कं पवत्तपि ॥३॥  
तस्साभिसमया तीणि अहेसुं धम्मदेसने  
कोटिसत्तसहस्सानं पठमाभिसमयो अहु ॥४॥  
पुनापरं कुम्भकण्णं यक्खं सो दमयि जिनो  
नवुत्ति कोटिसहस्सानं दुतियाभिसमयो अहु ॥५॥  
पुनापरं नमितयसो चतुसच्चं पकायसि  
असीति कोटिसहस्सानं तितियाभिसमयो अहु ॥६॥  
सन्निपाता तयो आसुं सुमेधस्स महेसिनो  
खीणासवानं विमलानं सत्तचित्तं तादिनं ॥७॥  
सुदस्सनं नगरं वरं उपगच्छि जिनो यदा  
तदा खीणासवा भिक्खू सर्म्मिसु सत्तकोटियो ॥८॥  
पुनापरं देवकूटे भिक्खूनां कथिणत्थते  
तदा नवुत्तिकोटीनं दुतियो आसि समागमो ॥९॥  
पुनापरं दसबलो यदा चरति चारिकं  
तदा असीतिकोटीनं ततियो आसि समागमो ॥१०॥  
अहं तेन समयेन उत्तरो नाम माणवो  
असीतिकोटि मय्हं घरे सन्निचित्तं धनं ॥११॥

केवलं सब्बं दत्तवान् ससंघं लोकनायकं  
 सरणं तस्सुपगच्छिं पब्बज्जञ् चभिरोचयि ॥१२॥  
 सो पि मं बुद्धो व्याकासि करोन्तो अनुमोदनं  
 तिसकप्पसहसम्हि अयं बुद्धो भविस्सति ॥१३॥  
 पधानं पदहित्वान् . . . . . पे . . . . . (४।१३)  
 . . . . . पे . . . . . हस्साम सम्मुखा इमं ॥१४॥  
 तस्सापि वचनं सुत्वा भीय्यो चित्तं पसादयि  
 उत्तरिवत्तं अधिट्ठासि दसपारमिपूरिया ॥१५॥  
 सुत्तन्तं विनयं चापि नवंगं सत्थुसासनं  
 सब्बं परियापुणित्वान् सोभयि जिनसासनं ॥१६॥  
 तत्थप्पमत्तो विहरन्तो निसज्जट्टानचङ्कमे  
 अभिञ्जासु पारमि गत्वा ब्रह्मलोकं अगच्छहं ॥१७॥  
 सुदस्सनं नाम नगरं सुदत्तो नाम खत्तियो  
 सुदत्ता नाम जनिका सुमेघस्स महेसिनो ॥१८॥  
 नववस्ससहस्सानि अगारं अज्झसो वसि  
 सुचन्द कञ्चन-सिरिवट्ठा तयो पासादमुत्तमा ॥१९॥  
 तिसोळससहस्सानि नारियो समलङ्कता  
 सुमना नाम सा नारी सुमित्तो नाम अत्रजो ॥२०॥  
 निमित्ते चतुरो दिस्वा हत्थि-यानेन निक्खमि  
 अनूनकं अइढमासं पधानं पदहि जिनो ॥२१॥  
 ब्रह्मना याचितो संतो सुमेघो लोकनायको  
 वत्ति चक्कं महावीरो सुदस्सनुय्यानमुत्तमे ॥२२॥  
 सरणो सब्बकामो च अहेसुं अगसावका  
 सागरो नामुपट्ठाको सुमेघस्स महेसिनो ॥२३॥  
 रामा चेव सुरामा च अहेसुं अगसाविका  
 बोधि तस्स भगवतो महानिम्बो ति वुच्चति ॥२४॥  
 उरुवेळो च यसवो च अहेसुं अगुपट्ठका  
 यसोधरा सिरिमा च अहेसुं अगुपट्ठिका ॥२५॥  
 अट्ठासीतिरतनानि अच्चुग्गतो महामुनि  
 ओभासेति दिसा सब्बा चन्दो तारणणे यथा ॥२६॥  
 चक्कवत्तिमणि नाम यथा तपति योजनं  
 तत्थेव तस्स रतनं समन्ता फरति योजनं ॥२७॥



नवुतिवस्ससहस्सानि आयु विज्जति तावदे  
 तावता तिट्ठमानो सो तारेसि जनतं बहुं ॥२८॥  
 तेविज्जाछल्लभिञ्जेहि बलप्पत्तहि तादिहि  
 समाकुलं इदं आसि अरहन्तेहि तादिहि ॥२९॥  
 ते पि सब्बे अमितयसा विप्पमुत्ता निरूपधी  
 ज्ञाणालोकं दस्सयित्वा निब्बुता ते महायसा ॥३०॥  
 सुमेधो जिनवरो बुद्धो मेधाराममिह निब्बुतो  
 घातुवित्थारिकं आसि तेसु तेसु पदेसतो ति ॥३१॥

सुमेधस्स भगवतो वंसो एकादसो ॥११॥

### १३—सुजातो ( १२ )

तत्थेव मण्डकप्पमिह सुजातो नाम नायको  
 सीहहनु — उसभक्खन्धो अप्पमेयो दुरासदो ॥१॥  
 चन्दो व विमलो सुद्धो सतरंसि व तापवा  
 एवं सोभति सम्बुद्धो जलन्तो सिरिया पभा ॥२॥  
 पपुणित्वान सम्बुद्धो केवलं बोधि उत्तमं  
 सुमङ्गलमिह नगरे धम्मचक्कं पवत्तयि ॥३॥  
 देसेन्ते पवरं धम्मं सुजाते लोकनायके  
 असीतिकोटी अभिसमिषु पठमे धम्मदेसने ॥४॥  
 यदा सुजातो अमितयसो देव वस्सं उपागमि  
 सत्ततिससहस्सानं दुतियाभिसमयो अहु ॥५॥  
 यदा सुजातो असमसमो उपगच्छि पितु सन्तिकं  
 सट्ठि सतसहस्सानं ततियाभिसमयो अहु ॥६॥  
 सन्निपाता तयो आसुं सुजातस्स महेसिनो  
 खीणासवानं विमलानं सन्तचित्तं तादिनं ॥७॥  
 अभिञ्जाबलप्पत्तानं अप्पत्तानं भवाभवे  
 सट्ठिसतसहस्सानं पठमं सन्निपत्तिषु ते ॥८॥

पुनापरं सन्निपाते तिदिवोरोहने जिने  
 पञ्जास सतसहस्सानं दुतियो आसि समागमो ॥१॥  
 उपसङ्कमन्तो नरवसभं तस्स यो अगसावको  
 चतूहि सतसहस्सेहि सम्बुद्धं उपसंकमि ॥१०॥  
 अहं तेन समयेन चतुदीपमिह इस्सरो  
 अन्तलिक्खचरो आसि चक्कवत्ती महब्बलो ॥११॥  
 लोके अच्छरियं दिस्वा अब्भुतं लोकहंसनं  
 उपगन्त्वान वन्दयिं सुजातं लोकनायकं ॥१२॥  
 चतुदीपे महारज्जं रतने सत्त उत्तमे  
 बुद्धे नीयादयित्वान पब्बजि तस्स सन्तिके ॥१३॥  
 अरामिका जनपदे उट्ठनं पच्चिपिण्डियं  
 उपनेन्ति भिक्खुसङ्घस्स पच्चयं सयनासनं ॥१४॥  
 सो पि मं बुद्धो व्याकासि दससहस्समिह इस्सरो  
 तिसे कप्पसहस्समिह अयं बुद्धो भविस्सति ॥१५॥  
 पधानं पदहित्वान . . . . . पे. . . . . (४।१३)  
 . . . . . पे. . . . . हेस्साम सम्मुखा इमं ॥१६॥  
 तस्सापि वचनं सुत्वा भीय्यो हासं जने सहं  
 अधिट्ठहि वतं उगं दसपारं पूरिया ॥१७॥  
 सुत्तन्तं विनयज् चापि नवङ्गं सत्थसासनं  
 सब्बं परियापुणित्वान सोभयिं जिनसासनं ॥१८॥  
 तत्थप्पमत्तो विहरन्तो ब्रह्म भावेत्वा भावनं  
 अभिञ्जासु पारमिं गत्वा ब्रह्मलोकं अगच्छहं ॥१९॥  
 सुमङ्गलं नाम नगरं उगगतो नाम खत्तियो  
 माता पभावती नाम सुजातस्स महेसिनो ॥२०॥  
 नववस्ससहस्सानि अगारं अज्झ सो वसि  
 सिरि उपासिरि नन्दा तयो पासादमुत्तमा ॥२१॥  
 तेवीसतिसहस्सानि नारियो समलङ्कता  
 सिरिनन्दा नाम नारी उपसेनो नाम अत्रजो ॥२२॥  
 निमित्तं चतुरो दिस्वा अस्सयानेन निक्खमि  
 अनूननवमासानि पधानं पदहिं जिनो ॥२३॥  
 ब्रह्मना याचितो सन्तो सुजाते लोकनायको  
 वत्ति चकं महावीरो सुमङ्गलुय्यानमुत्तमे ॥२४॥

सुदस्सनो सुदेवो च अहेसुं अगसावका  
 नारदो नामपट्टाको सुजातस्स महेसिनो ॥२५॥  
 नागा च नागसमाला च अहेसुं अगसाविका  
 बोधि तस्स भगवतो महावेळूति वुच्चति ॥२६॥  
 सो च रुक्खो घनरुचिरो अच्छिद्दो होति पत्तिको  
 उज्जुवंसो ब्रह्मा होति दस्सनेयो मनोरमो ॥२७॥  
 इक्खन्धो पवड्ढेत्वा ततो साखा पभिज्जति  
 यथा सुबद्धो मोरहत्थो एवं सोभति सो दुमो ॥२८॥  
 न तस्स कण्डका होन्ति नापि छिद्दं महा अहु  
 वित्थिण्णसाखो अविरलो सन्नच्छयो मनोरमो ॥२९॥  
 सुदत्तो चेव चित्तो च-अहेसुं अगुपट्टका  
 सुमहा चेव पडुमा च अहेसुं अगुपट्टिका ॥३०॥  
 पञ्जासरतनो आसि उच्चतरेन सो जिनो  
 सब्बाकारवरूपेतो सब्बगणं उपागतो ॥३१॥  
 तस्स पभा असमसमा निद्धावति समन्ततो  
 अप्पमाणो अतुल्यो च ओपमेहि अनूपमो ॥३२॥  
 नवुतिवस्ससहस्सानि आयु विज्जति तावदे  
 तावता तित्थमानो सो तारेसि जनतं बहुं ॥३३॥  
 यथापि सागरे उम्मि गगने तारका यथा  
 एवं तदा पावचनं अरहन्तेहि विचितं ॥३४॥  
 सो च बुद्धो असमसमो गुणानि च तानि अतुलियानि  
 सब्बं समन्तरहितं ननु रिता सब्ब संखारा ॥३५॥  
 सुजातो जिनवरो बुद्धो सिलारामम्हि निब्बुतो  
 तत्थेव तस्स चेतियो तीरिप-गावुतमुग्गतो ति ॥३६॥

सुजातस्स भगवतो वंसो द्वादसमो ॥१२॥

### १४—पियदस्सि ( १३ )

सुजातस्स अपरेन सयम्भु लोकनायको  
 दुरासदो असमसमो पियदस्सि महायसो ॥१॥

सो पि बुद्धो अभितयसो आदिच्चो व विरोचति  
 निहन्त्वान तमं सब्बं धम्मचक्कं पवत्तयि ॥२॥  
 तस्सापि अतुलतेजस्स अहेसुं अभिसमया तयो  
 कोटिसत्तसहस्सानं पठमाभिसमयो अहु ॥३॥  
 सुदस्सनो देवराजा मिच्छादिट्ठि अरोचयि  
 तस्स दित्थिं विनोदेन्तो सत्था धम्मं अदेसयि ॥४॥  
 जनसन्निपातो अतुलो महा सन्निपति तदा  
 नवुति कोटिसहस्सानं दुतियाभिसमयो अहु ॥५॥  
 यदा दोणमुखं हत्थिं विनेसि नरसारथि  
 असीतिकोटिसहस्सानं ततियाभिसमयो अहु ॥६॥  
 सन्निपाता तयो आसुं तस्सापि पियदस्सिनो  
 कोटिसत्तसहस्सानं पठमो आसि समागमो ॥७॥  
 ततो परं नवुति कोटी समिसु एकतो मुनि  
 ततिये सन्निपातमिह असीतिकोटियो अहु ॥८॥  
 अहं तेन समयेन कस्सपो नाम ब्राह्मणो  
 अज्झायको मन्तधरो तिण्णं वेदनापारगू ॥९॥  
 तस्स धम्मं सुणित्वान पसादं जनयि अहं  
 कोटिसत्तसहस्सेहि सङ्घारामं अमापयि ॥१०॥  
 तस्स दत्त्वान आरामं हत्थो संविग्गमासनो  
 सरणं पञ्चसीलञ् च दळ्हं कत्वा समादियि ॥११॥  
 सो पि यं बुद्धो व्याकासि सङ्घमज्झे निसीदिय  
 अट्ठरसे कप्पसते अयं बुद्धो भविस्सति ॥१२॥  
 पधानं पदहित्वान. . . . . पे. . . . (४।१३)  
 . . . . . पे. . . . हेस्साम सम्मुखा इमं ॥१३॥  
 तस्सापि वचनं सुत्वा भीय्यो चित्तं पसादयि  
 उत्तरिवतं अधिट्ठासि दसपारमिपूरिया ॥१४॥  
 सुधञ्जं नाम नगरं सुदत्तो नाम खत्तियो  
 सुचन्दो नाम जनिका पियदस्सिस्स सत्थुनो ॥१५॥  
 नववस्ससहस्सानि अगारं अज्झ सो वसि  
 सुनिमला-विमला-गिरिगुहा तयो पासादमुत्तमा ॥१६॥  
 तेत्तिससत्तिसहस्सानि नारियो समलङ्कता  
 विमला नाम नारी च कञ्चनवेळो नाम अन्नजो ॥१७॥

निमित्ते चतुरो दिस्वा रथयानेन निक्खभि  
 छमासं पधानचारं अचरि पुरिसुत्तमो ॥१८॥  
 ब्रह्मना याचितो सन्तो पियदस्सि महामुनि  
 वत्ति चक्कं महावीरो उस्सावनुय्याने मनोरमे ॥१९॥  
 पालितो सब्बदस्सि च अहेसुं अग्गसावका  
 सोभितो नामुपट्ठाको पियदस्सिस्स सत्थुनो ॥२०॥  
 सुजाता धम्मदिन्ना च अहेसुं अग्गसावका  
 बोधि तस्स भगवतो ककुद्धो ति पवुच्चति ॥२१॥  
 सान्नको धम्मिको चेव अहेसुं अग्गुपट्ठका  
 विसाखा धम्मदिन्ना च अहेसुं अग्गुपट्ठिका ॥२२॥  
 सो पि बुद्धो अमितयसो वत्तिसवरलक्खणो  
 असीतिहत्थमुव्वेधो सालराजा व दिस्सति ॥२३॥  
 अग्गिचन्द सूरियानं नत्थि तादिसिका पभा  
 यथा अहु पभा तस्स असमस्स महेसिनो ॥२४॥  
 तस्सापि देवदेवस्स आयु तावतका अहु  
 नवुत्ति वस्ससहस्सानि लोके अट्ठासि चक्खुमा ॥२५॥  
 सो पि बुद्धो असमसमो युगानि पि तानि अतुलियानि  
 सब्बं समन्तरहितं ननु रिक्ता सब्बसङ्खारा ति ॥२६॥  
 सो पियदस्सि मुनिवरो असत्थारामम्हि निब्बुतो  
 तत्थेव तस्स जिनथूपो तीणियोजनमुग्गतोति ॥२७॥

पियदस्सिस्स भगवतो वंसो तेरसमो ॥१३॥

### १५—अत्थदस्सि ( १४ )

तत्थेव मण्डकप्पम्हि अत्थदस्सी नरासभो  
 महातमं निहत्त्वान पत्तो सम्बोधि उत्तमं ॥१॥  
 ब्रह्मना याचितो सन्तो धम्मचक्कं पवत्तयि  
 अमतेन तप्पयि लोकं दससहस्सि सदेवकं ॥२॥

तस्सा पि लोकनाथस्स अहेसुं अभिसमया तयो  
 कोटिसतसहस्सानं पठमाभिसमयो अहु ॥३॥  
 यदा बुद्धो अत्थदस्सी चरति देवचारिकं  
 कोटिसतसहस्सानं दुतियाभिसमयो अहु ॥४॥  
 पुनापरं यदा बुद्धो देसेसि पितु सन्तिके  
 कोटिसतसहस्सानं ततियाभिसमयो अहु ॥५॥  
 सन्निपाता तयो आसुं तस्सापि च महेसिनो  
 खीणासवानं विमलानं सन्तचित्तानं तादिनं ॥६॥  
 अट्टनवुतिसहस्सानं पठमो आसि समागमो  
 अट्टासीतिसहस्सानं दुतियो आसि समागमो ॥७॥  
 अट्टतिससहस्सानं ततियो आसि समागमो  
 अनुपादानं विमुत्तानं विमलानं महेसिनं ॥८॥  
 अहं तेन समयेन जटिलो उग्गतापिनो  
 सुसिमो नाम नामेन महिया सेट्ठ सम्मतो ॥९॥  
 दिव्वं मन्दारवं पुप्फं पदुमं पारिच्छत्तकं  
 देवलोका परिहरित्वा सम्बुद्धं अभिपूजयिं ॥१०॥  
 सो पि मं बुद्धो व्याकासि अत्थदस्सी महामुनि  
 अट्ठरसे कप्पसते अयं बुद्धो भविस्सति ॥११॥  
 पधानं पदहित्वान. . . . . पे. . . . . (४।१३)  
 . . . . . पे. . . . . हेस्साम सम्मुखा इमं ॥१२॥  
 तस्सापि वचनं सुत्वा हट्ठो संविग्गमानसो  
 उत्तरिवत्तं अद्धिट्ठासि दसपारमिपूरया ॥१३॥  
 सोभणं नाम नगरं सागरो नाम खत्तियो  
 सुदस्सना नाम जनिका अत्थदस्सिस्स सत्थुनो ॥१४॥  
 दसवस्ससहस्सानि अगारं अज्झ सो वसि  
 अमरगिरि सुरगिरि गिरिवाहना तयो पासादमुत्तमा ॥१५॥  
 तेत्तिसञ्च च सहस्सानि नारियो समलङ्कता  
 विसाखा नाम सा नारी सेनो नामासि अत्रजो ॥१६॥  
 निमित्ते चतुरो दिस्वा अस्सयानेन निक्खमि  
 अनुना अट्ठमासानि वधानं पदही जिनो ॥१७॥  
 ब्रह्मना याचितो सन्तो अत्थदस्सी महायसो  
 वत्ति चक्कं महावीरो अनोमुय्याने नरासभो ॥१८॥

सन्तो च उपसन्तो च अहेसुं अग्गसावका  
 अभयो नामुपट्ठाको अत्थिदस्सिस्स सत्थुनो ॥१९॥  
 धम्मा चेव सुधम्मा च अहेसुं अग्गसाविका  
 बोधि तस्स भगवतो चंपकोति पवुच्चति ॥२०॥  
 नकुलो च निसभो च अहेसुं अग्गुपट्ठका  
 मकिला च सुनन्दा च अहेसुं अग्गुपट्ठिका ॥२१॥  
 सो पि बुद्धो असमसभो असीतिहत्थमुग्गतो  
 सोभति सालाराजा व उळुराजा व पूरितो ॥२२॥  
 तस्स पाकटिका रमसी अनेकसत्तकोटियो  
 उद्धं अधो दसदिसा परन्ति योजनं तदा ॥२३॥  
 सोपि बुद्धो नरासभो सब्बसत्तुत्तमो मुनि  
 वस्ससत्तसहस्सानि लोके अट्ठासि चक्खुमा ॥२४॥  
 अतुलं दत्तवान ओभासं विरोचेत्वा सदेवके  
 सो पि अनिच्चतं पत्तो यथग्गुपादानसङ्खया ॥२५॥  
 अत्थदस्सी जिनवरो अत्तोमारामम्हि निव्वुतो  
 धातुवित्थारिकं आसि तेसु तेसु पदेसतोति ॥२६॥

अत्थदस्सिस्स भगवतो वंसो चुद्धसमो ॥१४॥

### १६—धम्मदस्सि ( १५ )

तत्थेव मण्डकप्पम्हि धम्मदस्सी महायसो  
 तं अन्धकारं विधमेत्वा अतिरोचति सदेवके ॥१॥  
 तस्सापि अतुलतेजस्स धम्मचक्कप्पवत्तने  
 कोटिसत्तसहस्सानं पठमाभिसमयो अहु ॥२॥  
 यदा बुद्धो धम्मदस्सी विनेसि सञ्जयं इसिं  
 तदा नव्वतिकोटीनं दुतियाभिसमयो अहु ॥३॥  
 यदा सक्को उपागञ्छि सपरिसो विनायकं  
 तदा असीतिकोटीनं तितियाभिसमयो अहुं ॥४॥

तस्सा पि देवदेवस्स सन्निपाता तयो अहु  
 खीणासवानं विमलानं सन्तचित्तानं तादिनं ॥५॥  
 यदा बुद्धो धम्मदस्सी सरणे वस्सं उपागमि  
 तदा कोटिसहस्सानं पठमो आसि समागमो ॥६॥  
 पुनापरं यदा बुद्धो देवतो एहि मानुसे  
 तदापि सतकोटीनं दुतियो आसि समागमो ॥७॥  
 पुनापरं यदा बुद्धो पकासेसि घृते गुणे  
 तदा असीतिकोटीनं तितियो आसि समागमो ॥८॥  
 अहं तेन समयेन सक्को आसि पुरिन्ददो  
 दिव्वगन्धेन मालेन तुरियेन अभिपूजयि ॥९॥  
 सो पि मं बुद्धो व्याकासि देवमज्जे निसीदिय  
 अट्ठरसे कप्पसते अयं बुद्धो भविस्सति ॥१०॥  
 पधानं पदहित्वान. . . . . पे. . . . . (४।१३)  
 . . . . . पे. . . . . हस्साम सम्मुखा इमं ॥११॥  
 तस्सापि वचनं सुत्वा भीय्यो चित्तं पसादयि  
 उत्तरिवतं अधिद्वासि दसपारमिपूरिया ॥१२॥  
 सरणं नाम नगरं सरणो नाम खत्तियो  
 सुनन्दा नाम जनिका धम्मदस्सिस्स सत्थुनो ॥१३॥  
 अट्ठवस्ससहस्सानि अगारं अज्झ सो वसि  
 अरजो वरजो सुदस्सनो तयो पासादमुत्तमा ॥१४॥  
 तिचत्तारीसहस्सानि नारियो समलङ्कता  
 विचितोळी नाम नारी अन्नजो पुञ्जवड्ढनो ॥१५॥  
 निमित्ते चतुरो दिस्वा पासादेनाभिनिक्खमि  
 सत्ताहं पधानचारं अचरि पुरिसुत्तमो ॥१६॥  
 ब्रह्मना याचितो संतो धम्मदस्सि नरासभो  
 वत्ति चक्कं महावीरो भिगदाये नरुत्तमो ॥१७॥  
 पदुमो फुस्सदेवो च अहेसुं अगगसावका  
 सुनेत्तो नामुपट्ठाको धम्मदस्सिस्स सत्थुनो ॥१८॥  
 खेमा च सच्चनाना च अहेसुं अगगसावका  
 बोधि तस्स भगवतो विम्बजालो ति बुच्चति ॥१९॥  
 सुभद्दो कोटिसहो चेव अहेसुं अगगपट्ठाका  
 सालिया च वळिया च अहेसुं अगगपट्ठाका ॥२०॥



सो पि बुद्धो असमसमो असीतिहृत्थमुग्गतो  
 अति रोचति तेजेन दस सहस्सम्हि धातुया ॥२१॥  
 सुफुल्लो सालराजा व विज्जु व गगने यथा  
 मज्झन्तिके व सुरियो एवं सो उपसोभित्थ ॥२२॥  
 तस्सापि अतुलतेजस्स समकं आसि जीवितं  
 वस्ससतसहस्सानि लोके अट्टासि चक्कुमा ॥२३॥  
 ओभासं दस्सयित्वान विमलं कत्वान सासनं  
 विरोचयि चन्दो व गगने निव्वुतो सो ससावको ॥२४॥  
 धम्मदस्सी महावीरो केसारामम्हि निव्वुतो  
 तत्थेव सो थूपवरो तियोजनसमुग्गतोति ॥२५॥  
 धम्मदस्सिस्स भगवतो वंसो पन्नरसमो ॥२५॥

### १७—सिद्धत्यो ( १६ )

धम्मदस्सिस्स अपरेन सिद्धत्यो नाम नायको  
 नीहरित्वा तमं सव्वं सुरियो अब्भुग्गतो यथा ॥१॥  
 सो पिपत्त्वान सम्बोधि सन्तारेन्तो सदेवकं  
 अभिवस्सि धम्ममेघेन निब्बापेन्तो सदेवकं ॥२॥  
 तस्स पि अतुलतेजस्स अहेसुं अभिसमया तयो  
 कोटिसतसहस्सानं पठमाभिसमयो अहु ॥३॥  
 पुत्तापरं भीमरट्ठे यदि आहनि दुद्ध्रभिं  
 तदा नवुतिकोटीनं दुत्तियाभिसमयो अहु ॥४॥  
 यदा बुद्धो धम्मं देसेसि वेभारे सो पुत्तमे  
 तादा नवुतिकोटीनं तत्तियाभिसमयो अहु ॥५॥  
 सन्निपाता तयो आसुं तस्मिं पि द्विपदुत्तमे  
 खीणासवानं विमलानं सन्तचित्तानं तादिनं ॥६॥  
 कोटिसतानं नवुतीनं असीतिया च कोटीनं  
 एते आसुं तयो ठाना विमलानं समागमे ॥७॥

अहं तेन समयेन मङ्गलो नाम तापसो  
 उगतेजो दुप्पसहो अभिञ्जावलसमाहितो ॥८॥  
 जम्बुतो फलं आहत्वा सिद्धत्थस्सो अदासहं  
 पटिग्गहेत्वा सम्बुद्धो इदं वचनं अत्रवी ॥९॥  
 पस्सत्थ इमं तापसं जटिलं उगतापनं  
 चतुनवुते इतो कप्पे एवं बुद्धो भविस्सति ॥१०॥  
 पधानं पदहित्वान. . . . . पे. . . . . (४।१३)  
 . . . . . पे. . . . . हेस्साम सम्मुखा इमं ॥११॥  
 तस्सा पि वचनं सुत्वा भीय्यो चित्तं पसादयि  
 उत्तरि वतं अधिट्ठासि दसपारमिपूरिया ॥१२॥  
 वेभारं नाम नगरं उदेनो नाम खत्तियो  
 सुफस्सा नाम जनिका सिद्धत्थस्स महेसिनो ॥१३॥  
 दसवस्ससहस्सानि अगारं अज्झसो वसि  
 कोकासुप्पल-कोकनुदा तयो पासादमुत्तमा ॥१४॥  
 तिस्सोळस्स सहस्सानि नारियो समलङ्कता  
 सुमना नाम सा नारी अनुपमो नाम अत्रजो ॥१५॥  
 निमित्ते चतुरो दिस्वा सविकायानेन निक्खमि  
 अनूनदसमासानि पद्धानं पदहि जिनो ॥१६॥  
 ब्रह्मना याचितो संतो सिद्धत्थो लोकनायको  
 वत्ति चक्कं महावीरो मिगदाये नरुत्तमो ॥१७॥  
 सम्फलो च सुमित्तो च अहेसुं अगगसावका  
 रेवतो नाम उपट्ठाको सिद्धत्थस्स महेसिनो ॥१८॥  
 सीवला च सुरामा च अहेसुं अगगसाविका  
 बोधि तस्स भगवतो कणिकारोति वुच्चति ॥१९॥  
 सुप्पियो च समुद्दो च अहेसुं अगगपट्टका  
 रम्मा चेव सुरम्मा च अहेसुं अगगपट्टिका ॥२०॥  
 सो बुद्धो सट्ठिरत्तनं अहोसि नभमुग्गतो  
 कञ्चनग्घिकसङ्कासो दसहस्सिविरोचति ॥२१॥  
 सो पि बुद्धो असमसमो अतुलो अप्पटिपुग्गलो  
 वस्ससतसहस्सानि लोके अट्ठासि चक्खुमा ॥२२॥  
 विमलं पभं दस्सयित्वा पुप्फापेत्वाना सावके  
 विलासेत्वा च समापत्तिया निव्वुतो सो ससावको ॥२३॥

सिद्धत्थो मुनिवरो बुद्धो अनोमारामम्हि निब्बुतो  
तत्थेव सो श्रूपवरो चतुयोजन मुग्गतो ति ॥२४॥

सिद्धत्थस्स भगवतो बंसो सोळसमो ॥१६॥

### १८—तिस्सो ( १७ )

सिद्धत्थस्स अपरेन असमो अप्पटिपुग्गलो  
अनन्तसीलो अमितयसो तिस्सो लोकग्गनायको ॥१॥  
तं अन्धकारं विधमित्त्वा ओभासेत्वा सदेवकं  
अनुकम्पको महावीरो लोके उप्पज्जि चक्खुमा ॥२॥  
तस्सापि अतुला इद्धि अतुलसीलसमाधी च  
सब्बत्थ पारमिं गन्त्वा धम्मचक्कं पवत्तयि ॥३॥  
सो बुद्धो दससहस्सम्हि विज्जापेसि गिरं सुचिं  
कोटिसतसहस्सानि समिसु पठमे धम्मदेसने ॥४॥  
दुतिये नवुतिकोटीनं तितिये सट्ठिकोटियो  
बन्धना सो विमोचेसि सम्पत्ते नरमरू तदा ॥५॥  
सन्निपाता तयो आसुं तिस्से लोकनायके  
खीणासवानं विमलानं सन्तचित्तानं तादिनं ॥६॥  
खीणासवसहस्सानं पठमो आसि समागमो  
नवुतिसतसहस्सानं दुतियो आसि समागमो ॥७॥  
असीतिसतसहस्सानं ततियो आसि समागमो  
खीणासवानं विमलानं पुप्फितानं विमुत्तिया ॥८॥  
अहं तेन समयेन सुजातो नाम खत्तियो  
महाभोगं छड्डयित्वा पब्बज्जि इसि-पब्बज्जं ॥९॥  
मपि पब्बजिते सन्ते उप्पज्जि लोकनायको  
बुद्धोति सद् सुत्वान पीति मे उपपज्जथ ॥१०॥  
दिब्बं मन्दारवं पुप्फं पदुमं पारिछत्तकं  
उभो हत्थेहि पग्गय्ह धुनमानो उपागमि ॥११॥

चतुवण्णपरिवृतं तिस्सं लोकगनायकं  
 तं अहुं पुप्फं गहेत्वान मत्थके धारयिं जिनं ॥१२॥  
 सो पि मं बुद्धो व्याकासि जनमज्झे निसीदिय  
 द्वे नवुत्ते इतो कप्पे अयं बुद्धो भविस्सति ॥१३॥  
 पधानं पदहित्वान . . . . . पे. . . . . (४।१३)  
 . . . . . पे. . . . . हेस्साम सम्मुखा इमं ॥१४॥  
 तस्सापि वचनं सुत्वा भीय्यो चित्तं पसादयि  
 उत्तरिवतं अधिट्ठासि दसपारमिपूरिया ॥१५॥  
 खेमकं नाम नगरं जनसन्धो नाम खत्तियो  
 पदुमा नाम जनिका तिस्सस्स च महेसिनो ॥१६॥  
 सत्तवस्ससहस्सानि अगारं अज्झ सोषवसि  
 गुहासेल-नारी-निसभा तयो पासादमुत्तमा ॥१७॥  
 समर्तिससहस्सानि नारियो समलङ्कता  
 सुभद्दा नाम सा नारी आनन्दो नाम अत्रजो ॥१८॥  
 निमित्ते चतुरो दिस्वा अस्सयानेन निक्खमि  
 अनूनकं अट्ठमासं पधानं पदहिं जिनो ॥१९॥  
 ब्रह्मुना याचितो सन्तो तिस्सो लोकगनायको  
 वत्ति चक्कं महावीरो यसवतियं उत्तमे ॥२०॥  
 ब्रह्मदेवो उदयो च अहेसुं अग्गसावका  
 समङ्गो नामुपट्ठाको तिस्सस्स च महेसिनो ॥२१॥  
 फुस्सा चेव सुदत्ता च अहेसुं अग्गसावका  
 वोधि तस्स भगवतो असनो ति पवुच्चति ॥२२॥  
 सम्बलो च सिरि चेव अहेसुं अग्गुपट्ठाका  
 किस्सागोतमी उपसेना अहेसुं अग्गुपट्ठिका ॥२३॥  
 सो पि बुद्धो सट्ठिरतनो आहु उच्चतरेन जिनो  
 अनुपमो असदिसो हिमवाविया दिस्सति ॥२४॥  
 तस्सापि अतुलतेजस्स आयु आसि अनुत्तरो  
 वस्स सतसहस्सानि लोके अट्ठासि चक्खुमा ॥२५॥  
 उत्तमं पवरं सेट्ठं अनुभोत्वा महायसं  
 जलित्वा अग्गिखन्दो व निब्बुतो सो ससावको ॥२६॥  
 बलाहको व अनिलेन सुटियेन विय उसवो  
 अन्धकारो व दीपेन निब्बुतो सो ससावको ॥२७॥

तिस्सो जिनवरो बुद्धो नन्दारामम्हि निब्बुतो  
तत्थेव तस्स जिनथूपो तीणियोजनमुस्सितो ति ॥२८॥

रिस्सस्स भगवतो बंसो सत्तरसमो ॥१७॥

### १६—फुस्सो ( १८ )

तत्थेव मण्डकथम्हि आहु सत्था अनुत्तरो  
अनुपमो असमसमो फुस्सो लोकगनायको ॥१॥  
सो पि सब्बं तमं हत्वा विजटेत्वा महाजटं  
सदेवकं तप्पयन्तो अभिवस्सि अमत्तम्बुया ॥२॥  
धम्मचक्कप्पवत्तेन्ते फुस्से नक्खत्तमङ्गले  
कोटिसत्तसहस्सानं पठमाभि समयो अहु ॥३॥  
नवुत्ति सत्त सहस्सानं दुतियाभिसमयो अहु  
असीतिसत्तसहस्सानं तितियाभिसमयो अहु ॥४॥  
सन्निपाता तयो आसुं फुस्सस्सपि महेसिनो  
खीणासवानं विमलानं सन्तचित्तानं तादिनं ॥५॥  
सट्ठिसत्तसहस्सानं पठमो आसि समागमो  
पञ्जासत्तसहस्सानं दुतियो आसि समागमो ॥६॥  
चत्तरिसं सत्तसहस्सानं तितियो आसि समागमो  
अनुपादा विमुत्तानं वोच्छिन्नं पटिसन्धिनं ॥७॥  
अहं तेन समयेन विजितवी नाम खत्तियो  
छट्ठयित्वान महारज्जं पब्बजिं तस्स संतिके ॥८॥  
सो पि मं बुद्धो व्याकासि फुस्सो लोकगनायको  
इतो द्वे नवुत्ते कप्पे अयं बुद्धो भविस्सति ॥९॥  
पधानं पदहित्वान. . . . . पे. . . . . (४।१३)  
. . . . . पे. . . . . हेस्साम सम्मुखा इमं ॥१०॥  
तस्सापि वचनं सुत्वा भीय्यो चित्तं पसादयि  
उत्तरिवत्तं अधिट्ठासिं दसमपारमिपूरिया ॥११॥

सुत्तन्तं विनयं चापि नवङ्गं मत्थुसासनं  
 सब्बं परियापुणित्वान सोभयिं जिनसासनं ॥१२॥  
 तत्थप्पमत्तो विहरन्तो ब्रह्मं भावेत्वा भावनं  
 अभिञ्जासु पारमिं गन्त्वा ब्रह्मलोके अगच्छहं ॥१३॥  
 कासिकं नाम नगरं जयसेनो नाम खत्तियो  
 सिरिमा नाम जनिका फुस्सस्सपि महेसिनो ॥१४॥  
 छब्बस्ससहस्सानं अगारं अज्झ सो वसि  
 गरुळा-हंसा-सुवण्णभरा तयो पासादमुत्तमा ॥१५॥  
 तेवीसतिसहस्सनि नारियो समलङ्कता  
 किसागोतमी नाम नारी आनन्दो नाम अन्नजो ॥१६॥  
 निमित्ते चातुरो दिस्वा हत्थियानेन निक्खमि  
 छमासं पधानं चारं अचरि पुरिसुत्तमो ॥१७॥  
 ब्रह्मना याचितो संतो फुस्सो लोकगनायको  
 वत्ति चक्कं महावीरो भिगदाये नरुत्तमो ॥१८॥  
 सुखितो धम्मसेनो च अहेसुं अगसावका  
 सम्भियो नामुपट्ठाको फुस्सस्स च महेसिनो ॥१९॥  
 चाला च उपचाला च अहेसुं अगसाविका  
 बोधि तस्स भगवतो आमण्डो ति पवुच्चति ॥२०॥  
 धनञ्जयो विसाखो च अहेसुं अगुपट्ठका  
 पटुमा चेव नागा च अहेसुं अगुपट्ठिका ॥२१॥  
 अट्ठपञ्जासरतनं सो पि अच्चुगतो मुनि  
 सोभति सतरंसि व उट्ठुराजा व पूरितो ॥२२॥  
 नवुतिवस्ससहस्सानि आयु विज्जति तावदे  
 तावता तिट्ठ मानो सो तारेसि जनतं वहुं ॥२३॥  
 ओवादेत्वा बहू सत्ते सन्तारेत्वा महाजने  
 सो पि सत्था अतुलयसो निब्बुतो सो ससावको ॥२४॥  
 फुस्सो जिनवरो सत्था सोनारामम्हि निब्बुतो  
 धातुवित्थारिकं आसि तेसु तेसु पदेसतो ति ॥२५॥

फुस्सस्स भगवतो वंसो अट्ठारसमो ॥१८॥

## २०—विपस्सि ( १६ )

फुस्सस्स च अपरेन सम्बुद्धो द्विपदुत्तमो  
 विपस्सी नाम नामेन लोके उप्पजि चक्खुमा ॥१॥  
 अविज्जं सब्बं पदालेत्वा पत्तो सम्बोधि उत्तमं  
 धम्मचक्कं पवत्तेतुं पक्कामि बन्धुमतिं पुरं ॥२॥  
 धम्मचक्कं पवत्तेत्वा उभो बोधेसि नायको  
 गणनाय न वत्तबो पठमाभिसमयो अहु ॥३॥  
 पुनापरं अमितयसो तत्थ सच्चं पकासयि  
 चतु रासीतिसहस्सानं दुतियाभिसमयो अहु ॥४॥  
 चतुरासितिसहस्सानि सम्बुद्धं अनुपब्बजुं  
 तेसं आरामपत्तानं धम्मं देसेसि चक्खुमा ॥५॥  
 सब्बाकारेन भासतो सुत्वा उपनिसा जिनो  
 तेपि धम्मं वरं गत्वा ततियाभिसमयो अहु ॥६॥  
 सन्निपाता तयो आसु विपस्सिस्स महेसिनो  
 खीणासवानं विमलानं संतचित्तानं तादिनं ॥७॥  
 अट्ठसट्ठिसहस्सानं पठभो आसि समागमो  
 भिक्खुसतसहस्सानं दुतियो आसि समागमो ॥८॥  
 असीतिभिक्खुसहस्सानं ततियो आसि समागमो  
 तत्थ भिक्खुगणमज्जे सम्बुद्धो अतिरोचति ॥९॥  
 अहं तेन समयेन नागराजा महिद्धिको  
 अतुलो नाम नामेन पुञ्चवन्तो जुतिन्धरो ॥१०॥  
 नेकानं नागकोटीनं परिवारेत्वानहं तदा  
 वज्जन्तो दिब्बतुरियेहि लोकजेट्ठं उपागमि ॥११॥  
 उपसंक्रमित्वा सम्बुद्धं विपस्सिं लोकनायकं  
 मणिमुत्तरतनखचित्तं सब्बाभरणभूसितं  
 निमन्तेत्वा धम्मराजस्स सुवण्णं पिट्ठं अदासहं ॥१२॥  
 सो पि मं बुद्धो व्याकासि सङ्घमज्जेनिसीदिय  
 इतो एकनवुते कप्पे अयं बुद्धो भविस्सति ॥१३॥  
 अहु कपिलव्हे रम्मे निक्खमित्वा तथागतो  
 पधानं पदहित्वान कत्वा दुक्करकारियं ॥१४॥

अजपालरुक्खमूलमिह निसीदित्वा तथागतो  
 तथा पायासं पग्गय्ह नेरञ्जरं उपेहिति ॥१५॥  
 नेरञ्जराय तीरमिह पायासं असति जिनो  
 पटियत्तवरमग्गेन बोधिमूलं उपेहिति ॥१६॥  
 ततो पदक्खिणं कत्वा बोधिमण्डं अनुत्तरं  
 अस्सत्थमूले सम्बोधिं बुज्झिस्सति महायसो ॥१७॥  
 इमस्स जनिका माता माया नाम भविस्सति  
 पिता सुद्धोदनो नाम अयं हेस्सति गोतमो ॥१८॥  
 अनासवा वीतरागा सन्तचित्ता समाहिता  
 कोलितो उपतिस्सो च अग्गा हेस्सन्ति सावका ॥१९॥  
 आनन्दो नामुपट्ठाको उपट्ठिस्सति मं जिनं  
 खेमा उप्पलवण्णा च अग्गा हेस्सन्ति साविका ॥२०॥  
 अनासवा वीतरागा सन्तचित्ता समाहिता  
 बोधि तस्स भगवतो अस्सत्थो ति पवुच्चति ॥२१॥  
 तस्साहं वचनं सुत्वा भीय्यो चित्तं पसादधि  
 उत्तरिवत्तं अधिट्ठासिं दसपारमिपूरिया ॥२२॥  
 नगरं बन्धुमती नाम बन्धुमो नाम खत्तियो  
 माता बन्धुमती नाम विपस्सिस्स महेसिनो ॥२३॥  
 अट्ठवस्ससहस्सानि अगारं अज्झ सो वसि  
 नन्दो सुनन्दो सिरिमा तयो पासादमुत्तमा ॥२४॥  
 तिचत्तारि सहस्सानि नारियो समलङ्कता  
 सुतना नाम सा नारी संवट्ठक्खन्दो नाम अजो ॥२५॥  
 निमित्तो चतुरो दिस्वा रथयानेन निक्खमि  
 अनून अट्ठमासानि पधानं पदहिं जिनो ॥२६॥  
 ब्रह्मना याचितो सन्तो विपस्सी लोकनायको  
 वत्ति चक्कं महावीरो मिगदाये नरुत्तमो ॥२७॥  
 खन्धो च तिस्सो नाम च अहेसुं अग्गसावका  
 असोको नामुपट्ठाको विपस्सिस्स महेसिनो ॥२८॥  
 चन्दा च चन्दमित्ता च अहेसुं अग्गसाविका  
 बोधि तस्स भगवतो पाटलीति पवुच्चति ॥२९॥  
 पुनब्बसुमित्तो नागो च अहेसुं अग्गुपट्ठका  
 सिरिमा उत्तरा चेव अहेसुं अग्गुपट्ठिका ॥३०॥



असीतिहृत्थमुबेब्धो विपस्सी लोकनायको  
 पभा निधावति तस्स समन्ता सत्तयोजने ॥३१॥  
 असीति वस्ससहस्सानि आयु बुद्धस्स तावदे  
 तावता तित्थमानो सो तारेसि जनतं बहुं ॥३२॥  
 बहु देवमनुस्सानं बन्धनं परियोचयि  
 नग्गा मग्गञ् च आचिक्खि अवसेसपुथुज्जने ॥३३॥  
 आलोकं दस्सयित्वान देसित्वा अमतं पदं  
 जलित्वा अग्गिक्खन्धो व निब्बुतो सो ससावको ॥३४॥  
 इद्धिवरं पुञ्जवरं लक्खणञ् चतुभूमिकं  
 सब्बं समन्तरहितं ननु रित्ता सब्बसङ्खारा ॥३५॥  
 विपस्सी जिनवरो धीरो सुमित्तारामहि निब्बुतो  
 तत्थेव तस्स थूपवरो सत्तयोजनमुस्सितोति ॥३६॥  
 विपस्सिस्स भगवतो वंसो एकूनवीसतिमो ॥१९॥

### २१—सिखि ( २० )

विपस्सिस्स अपरेन सम्बुद्धो द्विपदुत्तमो  
 सिखिसब्बह्यो नाम जिनो असमो अप्पटिपुग्गलो ॥१॥  
 मारसेनं पमहित्वा पत्तो सम्बोधि उत्तमं  
 धम्मचक्कं पवत्तेसि अनुकम्पाय पाणिनं ॥२॥  
 धम्मचक्कप्पवत्तेन्ते सिखिम्हि जिनपुद्गवे  
 कोटिसतसहस्सानं पठमाभिसमयो अहु ॥३॥  
 अपरं पि धम्मं देसेन्ते गणसेट्ठे नरुत्तमे  
 नवुतिकोटिसहस्सानं दुतियाभिसमयो अहु ॥४॥  
 यमकं पाटिहीरञ् च दस्सयन्ते सदेवके  
 असीतिकोटिसहस्सानं ततियाभिसमयो अहु ॥५॥  
 सन्निपाता तयो आसुं सिखिस्सापि महेसिनो  
 खीणासवानं विमलानं सन्तचित्तानं तादिनं ॥६॥

भिक्खुसतसहस्सानं पठमो आसि समागमो  
 असीतिभिक्खुसहस्सानं दुतियो आसि समागमो ॥७॥  
 सत्ततिभिक्खुसहस्सानं तितियो आसि समागमो ।  
 अनुपलित्तो पदुमं व तोयमिह सम्पवड्डितं ॥८॥  
 अहं तेन समयेन अरिन्दगो नाम खत्तियो  
 सम्बुद्धपमुखं सङ्घं अन्नपानेन तप्पयिं ॥९॥  
 बह्वं दुस्सवरं दत्त्वा दुस्सकोटिं अनप्पकं  
 अलंकतं हत्थियानं सम्बुद्धस्स अदासहं ॥१०॥  
 हत्थियानं निम्मिनित्वा कप्पियं उपनामयिं  
 पूरयिं मानसं मय्हं निच्चं दळ्हं उपट्ठितं ॥११॥  
 सो पि मे बुद्धो व्याकासि लोकगनायको  
 एकत्तिसे इतो कप्पे अयं बुद्धो भविस्सति ॥१२॥  
 अहु कपिलव्हेये रम्मो . . . . . पे . . . . . [ २०।१४ ]  
 . . . . . पे . . . . . हेस्साम सम्मुखा इमं [ ४।१३ ] ॥१३॥  
 तस्साहं वचनं सुत्वा भीय्यो चित्तं पसादयिं  
 उत्तरिवत्तं अधिट्ठासि दसपारमिपूरिया ॥१४॥  
 नगरं अरुणवती नाम अरूणो नाम खत्तियो  
 पभावती नाम जनिका सिखिस्स च महेसिनो ॥१५॥  
 सत्तवस्ससहस्सानि अगारं अज्झ सो वसि  
 सुचन्दो गिरि वहनो तयो पासादमुत्तमा ॥१६॥  
 चतुवीसतिसहस्सानि नारियो समलङ्कता  
 सब्बकामा नाम नारी अतुलो नाम अत्रजो ॥१७॥  
 निमित्तं चतुरो दिस्वा हत्थियानेन निक्खमि  
 अट्ठमासं पधानचारं अचरि पुरिसुत्तमो ॥१८॥  
 ब्रह्मना याचितो सन्तो सिखी लोकगनायको  
 वत्ति चक्कं महावीरो मिगादये नरुत्तमो ॥१९॥  
 अभिभू सम्भवो नाम अहेसुं अगसावका  
 खेमङ्करो उपट्ठाको सिखिस्स पि महेसिनो ॥२०॥  
 अखिला चेव पदुमा च अहेसुं अगसाविका  
 बोधि तस्स भगवतो पुण्डरीको ति वुच्चति ॥२१॥  
 सिरिवड्ढो च चन्दो च अहेसुं अग्गुपट्ठका  
 चित्ता चेव सुगुत्ता च अहेसुं अग्गुपट्ठि का ॥२२॥

उच्चतरेन सो बुद्धो सत्ततिहत्थमुग्गतो  
 कञ्चनग्घिकसङ्कासो द्वत्तिसवरलक्खणो ॥२३॥  
 तस्सापि व्यामप्पभा काया दिवा रत्ति निरंतरं  
 दिसो दिसं निच्छरन्ति तीणियोजनसो पभा ॥२४॥  
 सत्ततिवस्स सहस्सानि आयु तस्स महेसिनो  
 तावता तिट्ठमानो सो तारेसि जनतं वहुं ॥२५॥  
 धम्ममेघो पवस्सेत्वा तेमयित्वा सदेवके  
 खेमं तं पापयित्वान निब्भुतो सो ससावको ॥२६॥  
 अनुव्यञ्जनासम्पन्नं द्वत्तिसवरलक्खनं  
 सब्बं समन्तरहितं ननु रित्ता सब्बसङ्खरा ॥२७॥  
 सिखी मुनिवरो बुद्धो दुस्सारामम्हि निब्भुतो  
 तत्थेव तस्स थूपवरो तीणियोजनमुग्गतोति ॥२८॥

सिखिस्स भगवतो वंसो बीसतिमो ॥२०॥

### २२—वेस्सभू ( २१ )

तत्थेव मण्डकप्पम्हि असमो अप्पटिपुग्गलो  
 वेस्सभू नाम नामेन लोके उप्पज्जि सो जिनो ॥१॥  
 आदित्तं ति च रागग्गितणूहानं विजितं सदा  
 नागो व बन्धनं छेत्वा पत्तो सम्बोधि उत्तमं ॥२॥  
 धम्मचक्कप्पवत्तेन्ते वेसभू लोकनायको  
 असीतिकोटिसहस्सानं पठमाभिसमयो अहु ॥३॥  
 पक्कन्ते चारिकं रट्ठे लोकजेट्ठे नरासभे  
 सत्ततिकोटिसहस्सानं दुतियाभिसमयो अहु ॥४॥  
 महादिट्ठि विनोदेन्तो पाटिहीरं करोति सो  
 समागता नरमरू दससहस्सी सदेवके ॥५॥  
 महा-अच्छरियं दिस्वा अब्भुतं लोमहंसनं  
 देवा चैव मनुस्सा च बुज्जरे सट्ठिकोटिया ॥६॥  
 सन्निपाता तयो आसुं वेस्सभुस्स महेसिनो  
 खीणासवानं विमलानं सन्तचित्तानं तादिनं ॥७॥

असीति भिक्खुसहस्सानं पठमो आसि समागमो  
 सत्ततिभिक्खुसहस्सानं दुतियो आसि समागमो ॥८॥  
 सट्ठि भिक्खुसहस्सानं ततियो आसि समागमो  
 जरादिभयचित्तानं ओरसानं महेसिनं ॥९॥  
 तस्स बुद्धस्स असमस्स चक्कं वत्तयिं उत्तमं  
 सुत्वान पनीतं धम्मं पब्बज्जं अभिरोचयि ॥१०॥  
 अहं तेन समयेन सुदस्सनो नाम खत्तियो  
 अन्नपानेन वत्थेन ससङ्खं जिनं पूजयिं ॥११॥  
 महादानं पवत्तेत्वा रत्तिं दिवं अतन्दितो  
 पब्बज्जं गुणसम्पन्नं पब्बजिं निजसन्तिके ॥१२॥  
 आचारगुणसम्पन्नो वत्तसीलसमाहितो  
 सम्बज्जुतं गवेसन्तो रमामि जिनसासने ॥१३॥  
 सद्धा पीति उपगन्त्वा बुद्धं वदामि सत्थरं  
 पीति उप्पज्जति मय्हं बोधिया येव कारणा ॥१४॥  
 अनिवत्तमानसं ज्ञत्वा सम्बोधो एतद अन्नावि  
 एकत्तिसे इतो कप्पे अयं बुद्धो भविस्सति ॥१५॥  
 अहु कपिलवह्णे रम्मे. . . . . पे. . . . . (२०।१४)  
 . . . . . पे. . . . . हेस्साम सम्मुखा इमं (iv.13) १६॥  
 तस्साहं वचनं सुत्वा भीय्यो चित्तं पसादयि  
 उत्तरिवत्तं अधिट्ठासिं दसपारमिपूरिया ॥१७॥  
 अनोमं नाम नगरं सुपतितो नाम खत्तियो  
 माता यसवती नाम वेस्सभुस्स महेसिनो ॥१८॥  
 छब्बस्ससहस्सानं अगारं अज्झ सो वसि  
 रुचि—सु रुचि—वड्डना तयो पासादमुत्तमा ॥१९॥  
 अनूनत्तिससहस्सानि नारियो समलङ्कता  
 सुचित्ता नाम सा नारी सुपबुद्धो नाम अन्नजो ॥२०॥  
 निमित्ते चतुरो दिस्वा सिविकायानाभिनिक्खमि  
 छमासं पधानचारं अचरि पुरिसुत्तमो ॥२१॥  
 ब्रह्मुना याचितो सन्तो वेस्सभू लोकनायको  
 वत्ति चक्कं महावीरो अरुणारामे नरुत्तमे ॥२२॥  
 सोणो च उत्तरो चेव अहेसुं अगसावका  
 उपसन्तो नामुपट्ठाको वेस्सभुस्स महेसिनो ॥२३॥

दामा चेव समाला च अहेसुं अगुसाविका  
 बोधि तस्स भगवतो महासालो ति वुच्चति ॥२४॥  
 सोट्टिको चेव रम्मो च अहेसुं अगुपट्टका  
 गोतमी च सिरिमा च अहेसुं अगुपट्टिका ॥२५॥  
 सट्ठिरतनं—उब्बेधो हेमयूपसमुपमो  
 काया निच्छरति रंसि रत्ति व पब्बते सखी ॥२६॥  
 सट्ठिवस्ससहस्सानि आयु विज्जति तावदे  
 तावता तिट्ठमानो सो तारेसि जनतं बहुं ॥२७॥  
 धम्मं वित्थारिकं कत्वा विभजित्वा महाजनं  
 धम्मनावं ठपेत्वान निब्बुतो सो ससावको ॥२८॥  
 वस्सनेयं महाजनं विहारं चिरियापथं  
 सब्बं समन्तरहितं ननु रित्ता सव्वसङ्खरा ॥२९॥  
 वेस्सभू जिनवरो सत्था खेमाराप्पि निब्बुतो  
 धातुविट्ठारिकं आसि तेसु तेसु पदेसतो ति ॥३०॥  
 वेस्सभुस्स भगवतो वंसो एकवीसतिमो ॥२१॥

### २३—ककुसन्धो ( २२ )

वेस्सभुस्स अपरेन सम्बुद्धो द्विपटुत्तमो  
 ककुसन्धो नाम नामेन अप्पमेय्यो दुरासदो ॥१॥  
 उगघाटेत्वा सब्बभवं चरिया—पारमिज्झतो  
 सीहो व पञ्चरं भेत्वा यत्तो सम्बोधि उत्तमं ॥२॥  
 धम्मचक्कप्पवत्तेत्ते ककुसन्धे लोकनायके  
 चत्तारीसं कोटिसहस्सानं पठमाभिसमयो अहु ॥३॥  
 अत्तल्लिक्खम्हि आकासे यमकं कत्वा विकुब्बनं  
 तिसकोटिसहस्सानं बोधेसि देवमानुसे ॥४॥  
 नरदेवस्स यक्खस्स चतुसच्चप्पकासने  
 धम्माभिसमयो तस्स गणनातो असङ्खेय्यो ॥५॥

ककुसन्धस्स भगवतो एको आसि समागमो  
 खीणासवानं विमलानं सन्तचित्तानं तादिनं ॥६॥  
 चत्तालीससहस्सानं तदा आसि समागमो  
 दन्तभूमिं अनुप्पत्तानं आसवादि—गणक्खया ॥७॥  
 अहं तेन समयेन खेमो नामासि खत्तियो  
 तथागते जिनपुत्ते दानं दत्त्वा अनप्पकं ॥८॥  
 पत्तञ्ज् च चीवरं दत्त्वा अञ्जनं मधुलट्टिकं  
 इमे तं पत्थितं सव्वं पटियादेमि वरं वरं ॥९॥  
 सो पि मं मुनि व्याकासि ककुसन्धो विनायको  
 इमम्हि भद्दके कप्पे अयं बुद्धो भविस्सति ॥१०॥  
 अहु कपिलव्यूहे रम्मे . . . . . पे . . . . . (२०।१४)  
 . . . . . पे . . . . . हेस्साम सम्मुखा इमं ॥११॥  
 तस्साहं वचनं सुत्वा भीय्यो चित्तं पसादयि  
 उत्तरिवत्तं अधिट्ठासिं दसपारमिपूरिया ॥१२॥  
 नगरं खेमवती नाम खेमो नाम सहं तदा  
 सब्बञ्जुत्तं गवेसन्तो पव्वजिं तस्स सन्तिके ॥१३॥  
 ब्राह्मणो अग्गिदत्तो च आसि बुद्धस्स सो पिता  
 विसाखा नाम जनिका ककुसन्धस्स महेसिनो ॥१४॥  
 वसि तत्थ खेमपुरे सम्बुद्धस्स महाकुलं  
 नरानं पवरं सेट्ठं जातिमन्तं महायसं ॥१५॥  
 चतुवस्ससहस्सानि अगारं अज्झ सो वसि  
 रुचि-सुरुचि-वड्ढणा तयो पासादमुत्तमा ॥१६॥  
 समतिससहस्सानि नारियो समलङ्कता  
 विरोचमाना नाम नारी उत्तरो नाम अत्रजो ॥१७॥  
 निमित्ते चतुरो दिस्वा रथयानेन निक्खमि  
 अनूनकं अट्ठमासं पधानं पदहिं जिनो ॥१८॥  
 बहुना याचितो सन्तो ककुसन्धो लोकनायको  
 वत्ति चक्कं महावीरो मिगदाये नरुत्तमो ॥१९॥  
 विधुरो सञ्जीवो नाम च अहेसुं अगसावका  
 बुद्धिजो नामुपट्ठाको ककुसन्धस्स सत्थुतो ॥२०॥  
 समा च कम्पनामा च अहेसुं अगसावका  
 बोधितस्स भगवतो सिरासो ति पवुच्चति ॥२१॥

अच्वुतो च समनो च अहेसुं अगुपट्टका  
 नन्दा चेव सुनन्दा च अहेसुं अगुपट्टिका ॥२२॥  
 चत्तारीसरतनानि अच्वुगतो महामुनि  
 कनकप्पभा निच्छरन्ति समत्ता द्वादसयोजनं ॥२३॥  
 चत्तारिसवससहस्सानि आयु तस्स महेसिनो  
 तवता तिट्ठमानो तारेसि जनतं बहुं ॥२४॥  
 धम्मपणं पसारेत्वा नरनारिणं सदेवके  
 नदित्वा सालनादञ्च निव्वुतो सो ससावको ॥२५॥  
 अट्ठङ्गवचनसम्पन्नो अच्छिद्धानि निरन्तरं  
 सव्वं समन्तरहितं ननु रिता सव्वसङ्खाटा ॥२६॥  
 ककुसन्धो जिनवरो खेमारामम्हि निव्वुतो  
 तत्थेव तस्स थूपवरो गावुतनभमुगतो ति ॥२७॥  
 ककुसन्धस्स भगवतो वंसो द्वावीसतिमो ॥२२॥

### २४—कोणागमनो ( २३ )

ककुसन्धस्स अपरेन सम्बुद्धो द्विपदुत्तमो  
 कोणागमनो नाम जिनो लोकजेट्ठो नरासभो ॥१॥  
 दसधम्मो पूरयित्वान कन्तारं समतिक्कमि  
 पवाहिय मलं सव्वं पत्तो सम्बोधि उत्तमं ॥२॥  
 धम्मचक्कप्पवत्तेन्ते कोणागमने नायके  
 तिसकोटिसहस्सानं पठमाभिसमयो अहु ॥३॥  
 पाटिहीरं करोन्ते च परवादप्पमद्दने  
 वीसतिकोटिसहस्सानं दुतियाभिसमयो अहु ॥४॥  
 ततो विकुब्बनं कत्वा जिनो देवपुरं गतो  
 वसति तत्थ सम्बुद्धो सिलायं पण्डुकम्बले ॥५॥  
 पकरणे सत्त देसेन्तो वस्सं वसति सो मुनि  
 दसकोटिसहस्सानं तितियाभिसमयो अहु ॥६॥

तस्सापि देवदेवस्स एको आसि समागमो  
 खीणासवानं विमलानं सन्तचित्तानं तादिनं ॥७॥  
 तिसिभिक्षुसहस्सानं तदा आसि समागमो ॥  
 अतिक्कन्त—चतुरोधानं भिज्जितानञ्चं मच्चुया ॥८॥  
 अहं तेन समयेन पब्बतो नाम खत्तियो  
 मित्तामच्चेहि सम्पन्नो अनन्तबलवाहनो ॥९॥  
 सम्बुद्धदस्सनं गत्वा सुत्वा धम्मं अनुत्तरं  
 निमन्तेत्वा सजिनं सङ्घं दानं दत्वा यथिच्छकं ॥१०॥  
 पटुन्नं चीनपट्टञ्च कोयेय्यं कम्बलं पि च  
 सोवण्णपादुकञ्चेव अदासि सत्थुसावके ॥११॥  
 सो पि मं मुनि व्याकासि सङ्घमज्जे निसीदिय  
 इमस्मिं भद्दके कप्पे अयं बुद्धो भविस्सति ॥१२॥  
 अहु कपिलव्यूहे रम्मि. . . . . पे. . . . . (२०।१४).  
 . . . . . पे. . . . . (४।१३)  
 तस्सापि वचनं सुत्वा भिय्यो चित्तं पसादयि  
 उत्तरिवतं अधिट्ठासि दसपारमिपूरिया ॥१४॥  
 सब्बञ्जुतं गवेसन्तो दानं दत्वा नरुत्तमे  
 ओहायाहं महारज्जं पब्बजि तस्स सन्तिके ॥१५॥  
 नगरं सोभवती नाम सोभो नामासि खत्तियो  
 वसति तत्थ नगरे सम्बुद्धस्स महाकुलं ॥१६॥  
 ब्राह्मणो यञ्जदत्तो च आसि बुद्धस्स सो पिता  
 उत्तरा नाम जनिका कोणागमनस्स सत्थुनो ॥१७॥  
 तीणिवस्ससहस्सानि अगारं अज्झ सो वसि  
 तुसिता—संतुसिता—सन्तुट्ठा तयो पासादमुत्तमा ॥१८॥  
 अनूनसोळससहस्सानि नारियो समलङ्कता  
 रुचिगत्ता नाम नारी सत्थवाहो नाम अन्नजो ॥१९॥  
 निमित्ते चतुरो दिस्वा हत्थियानेन निक्खमि  
 छमासं पषानचारं अचरि परिमुत्तमो ॥२०॥  
 ब्रह्मना याचितो सन्तो कोणागमनो नायको  
 वत्ति चक्कं महावीरो मिगदाये नरुत्तमो ॥२१॥  
 भिय्यो सो उत्तरो नाम अहेसुं अगगसावका  
 सोत्थिजो नामुपट्ठाको कोणागमनस्स सत्थुनो ॥२२॥



समुहा च उत्तरा चेव अहेसुं अग्गसाविका  
 बोधि तस्स भगवतो उदम्बरो ति वुच्चति ॥२३॥  
 उगो च सोमदेवो च अहेसुं अग्गुपट्टिका  
 सीवला चेव सामा च अहेसुं अग्गुपट्टिका ॥२४॥  
 उच्चतरेण स बुद्धो तिसहत्थसमुग्गतो  
 उक्का मुखे यथा कम्बु एवं रंसीहि मण्डितो ॥२५॥  
 तिस्सवस्ससहस्रानि आयु बुद्धस्स तावदे  
 तावता तिट्ठमानो सो तारेसि जनतं बहुं ॥२६॥  
 धम्मचेति समुस्सित्वा धम्मदुस्सविभूसितं  
 धम्मपुप्फगुळं कत्वा निब्बुतो सो ससावको ॥२७॥  
 महाविलासो तस्स जनो सिरिधम्मप्पकासनो  
 सब्बं समन्तरहितं ननु रिता सब्बसङ्खारा ॥२८॥  
 कोणागमनो सम्बुद्धो पब्बतारामहि निब्बुतो  
 धानु वित्थारिकं आसि तेसु तेसु पदेसतो ति ॥२९॥  
 कोणागमनस्स भगवतो बंसो तेवीसमो ॥३०॥

### २५—कस्सपो ( २४ )

कोणागमनस्स अपरेण सम्बुद्धो द्विपदुत्तमो  
 कस्सपो नाम नामेण धम्मराजा पभङ्गकरो ॥१॥  
 सञ्छङ्गितं कुलमूलं बहुनं पानभोजनं  
 दत्तवान् याचके दानं पूरयित्वा मानसं  
 उसभो व आलकं भेत्वा पत्तो सम्बोधि उत्तमं ॥२॥  
 धम्मचक्कप्पवत्तन्ते कस्सपे लोकनायके ॥  
 वीसतिकोटिसहस्सानं पठमाभिसमयो अहु ॥३॥  
 चतुमासं यदा बुद्धो लोके चरति चारिकं  
 दसकोटिसहस्सानं दुतियाभिसमयो अहु ॥४॥  
 यमकं विकुब्बनं कत्वा ज्ञाणधातुं पकित्तयि  
 पञ्चकोटिसहस्सानं तितियाभिसमयो अहु ॥५॥

सुधम्म - देवपुरे रम्मे तथा धम्मं पकासयि  
 तीणिकोटिसहस्सानं देवानं बोधयि जिनो ॥६॥  
 नरदेवस्स यक्खस्स अपरे धम्मदेसने  
 एतेसानं अभिसमया गणनातो असङ्खखेय्या ॥७॥  
 तस्सापि देवदस्स एको आसि समागमो  
 खीणासवानं विमलानं सन्तचित्तानं तादिनं ॥८॥  
 वीसतिभिक्खुसहस्सानं तदा आसि समागमो  
 अभिक्कन्तभगवन्तानं हिरिसीलेन तादिनं ॥९॥  
 अहं तदा भाणवको जोतिपालो ति विस्सुतो  
 अज्झायको मन्तधरो तिण्णं वेदान पारगू ॥१०॥  
 लक्खणे इतिहासे च सद्धमे पारमिङ्गतो  
 भुम्मन्तलिक्खे कुसलो कतविज्जो अनावयो ॥११॥  
 कस्सपस्स भगवतो घाटिकारो नामुपट्ठको  
 सगारवो सप्पतिस्सो निब्बुतो तितिये फले ॥१२॥  
 आदाय मं घटिकरो उपगञ्छि कस्सपं जिनं  
 तस्स धम्मं सुणित्वान पब्बजि तस्स सन्तिके ॥१३॥  
 आरद्धविरियो हुत्वा वत्तावत्तेसु कोविदो  
 न क्वाचि परिहायामि पूरेमि जिनसासनं ॥१४॥  
 यावता बुद्धभणित्तं नवङ्गं सत्थुसासनं  
 सब्बं परियापुणित्वान सोभयिं जिनसासनं ॥१५॥  
 मम अच्छरियं दिस्वा सो पि बुद्धो वियाकरि  
 इमम्हि भद्दके कप्पे अयं बुद्धो भविस्सति ॥१६॥  
 अहु कपिलव्हे रम्मे निक्खमित्वा तथागतो  
 पद्धानं पदहित्वान कत्वान दुक्करकारियं  
 . . . . . पे. . . . . (४।१३) ॥१७॥  
 अजपालरुक्खमूले निसीदित्वा तथागतो  
 तत्थ पायासं पग्गहं नेरञ्जरं उपेहिति ॥१८॥  
 नरञ्जराय तीरम्हि पायासं परिभुज्जिया  
 पठियत्तवरमग्गेन बोधिमूलं उपेहिति ॥१९॥  
 ततो पदक्खिणं कत्वा बोधिमण्डं नरुत्तमो  
 अपराजितनीयट्ठाने बोधिपल्लङ्कमुत्तमे ॥२०॥

पल्लङ्केन निसीदित्वा बुज्झिस्सति महायसो  
 इमस्स जनिका माता माया नाम भविस्सति  
 पिता सुद्धोदनो नाम अयं हेस्सति गोतमो ॥२१॥  
 अनासवा वीतरागा सन्तचित्ता समाहिता  
 कोलितो उपतिस्सो च अग्गा हेस्सन्ति सावका ॥२२॥  
 आनन्दो नामुपट्ठाको उपट्ठिस्सति तं जिनं  
 खेमा उप्पलवन्ना च अग्गा हेस्सन्ति सावका ॥२३॥  
 अनासवा सन्तचित्ता वीतरागा समाहिता  
 बोधि तस्स भगवतो अस्सत्थोति पवुच्चति ॥२४॥  
 चित्तो च हत्थाळ्वको अग्गाहेस्सन्तुपट्ठका  
 नन्दमाता च उत्तरा अग्गा हेस्सन्तुपट्ठिका ॥२५॥  
 इदं सुत्वान वचनं असमस्स महेसिनो  
 आमोदिता नरमरू बुद्ध-बीजङ्कुरो अयं ॥२६॥  
 उक्कुत्थि सद्दा पवत्तन्ति अप्पोठेन्ति हस्सन्ति च  
 कतंजली नमस्सन्ति दससहस्सी सदेवका ॥२७॥  
 यदिमस्स लोकनाथस्स विरज्झिस्सं सासनं  
 अनागतमिह अद्धाने हेस्साम सम्मुखा इमं ॥२८॥  
 यथा मनुस्सा नदि तरन्ता पटितित्थं विरज्झिय  
 हेट्ठा तित्थे गहेत्वान उत्तरन्ति महानदि ॥२९॥  
 एवं एव मयं सब्बे यदि मुञ्चामिमं जिनं  
 अनागतमिह अद्धाने हेस्साम सम्मुखा इमं ॥३०॥  
 तस्सापि वचनं सुत्वा भीय्यो चित्तं पसादयि  
 उत्तरिवतं अधिट्ठासिं दसपारमिपूरिया ॥३१॥  
 एवं अहं संसरेत्वा परिवज्जन्तो अनाचारं  
 दुक्करञ्च कतं मय्हं बोधिया येव कारणा ॥३२॥  
 नगरं वाराणसी नाम किकि नामासि खत्तियो  
 वसति तत्थ नगरे सम्बुद्धस्स महाकुलं ॥३३॥  
 ब्राह्मणो ब्रह्मदत्तो च आसि बुद्धस्स सो पिता  
 धनवती नाम जनिका कस्सपस्स महेसिनो ॥३४॥  
 दुवे वस्ससहस्सानि अगारं अज्झ सो वसि  
 हंसो यसो सिरिनन्दो तयो पासादमुत्तमा ॥३५॥

तिसोळस्स - सहस्सानि नारियो समलङ्कता  
 सुनन्दा नाम सा नारी विजितसेनो नाम अत्रजो ॥३६॥  
 निमित्ते चतुरो दिस्वा पासादेनभिनिक्खसि ।  
 सत्ताहं पधानचारं अचरि पुरिसुत्तमो ॥३७॥  
 ब्रह्मना याचितो संतो कस्सपो लोकनायको  
 वत्ति चक्कं महावीरो मिगदाये नरुत्तमो ॥३८॥  
 तिस्सो च भारद्वाजो च अहेसुं अग्गसावका  
 सब्बमितो उपट्ठाको कस्सपस्स महेसिनो ॥३९॥  
 अनुळा च उरुवेळा च अहेसुं अग्गसाविका  
 बोधि तस्स भगवतो निग्गोधोति पवुच्चति ॥४०॥  
 सुमङ्गलो घटिकारो च अहेसुं अग्गुपट्टका  
 विजितसेना च भद्दा च अहेसुं अग्गुपट्टिका ॥४१॥  
 उच्चतरेन सो बुद्धो वीसतिरतनमुग्गतो  
 विज्जुलट्ठि व आकासे चन्दो व गहपूरितो ॥४२॥  
 वीसवस्ससहस्सानि आयु तस्स महेसिनो  
 तावता तिट्ठमानो सो तारेसि जनतं बहुं ॥४३॥  
 धम्मतलाकं मापेत्वा सीलं दत्वा विलेपनं  
 धम्मदुस्सं निवासेत्वा धम्ममालं विराजिय ॥४४॥  
 धम्मविमलं आदासं ठपयित्वा महाजने  
 केचि निब्बानं पत्थेन्ता पस्सन्तु मे अलङ्ककरं ॥४५॥  
 सीलकञ्चुकं दत्वान ज्ञानकवचवम्मिकं  
 धम्म चक्कं पूरपेत्वा दत्वा सन्नाहं उत्तमं ॥४६॥  
 सतिफलकं दत्वान तिखिणञ्जाणकुत्तिकं  
 धम्म-खग्गवरं दत्वा सील-संसग्गमद्दं ॥४७॥  
 तेविज्जाभूसं दत्वान आवेळं चतुरो फले  
 छळभिञ्जाभरणं दत्वा धम्मपुप्फपिलंधनं ॥४८॥  
 सद्धम्मपण्डरं छत्तं दत्वा पापनिवारणं  
 मापेत्वा अभयं पुप्फं निब्बुतो सो ससावको ॥४९॥  
 एसो हि सम्मासम्बुद्धो अप्पमेय्यो दुरासदो  
 एसो हि धम्मरतनो स्वाख्यातो एहिपस्सिको ॥५०॥  
 एसो हि संघरतनो सुप्पटिपन्नो अनुत्तरो  
 सब्बं समन्तरहितं ननु रित्ता सब्बसङ्खारा ॥५१॥

महाकस्सपो जिनो सत्था सेतव्यारामम्हि निब्बुतो  
तत्थेव तस्स जिनथूपो योजनुब्बेधमुगगतो ति ॥५२॥

कस्सपस्स भगवतो वंसो चतुवीसत्तिमो ॥२४॥

### २६—गौतमो ( २५ )

अहं एतरहि बुद्धो गोतमो सक्खवड्ढनो  
पधानं पदहित्वान पत्तो सम्बोधि उत्तमं ॥१॥  
ब्रह्मणा याचितो सन्तो धम्मचक्कं पवत्तयि  
अट्टारसन्नं कोटीनं पठमाभिसमयो अहु ॥२॥  
ततो परञ्च देसेन्तो नरदेवसमागमो  
गणनाय न वत्तब्बो दुत्तियाभिसमयो अहु ॥३॥  
इधेवाहं एतरहि ओवादिं मम अत्रजं  
गणनाय न वत्तब्बो तत्तियाभिसमयो अहु ॥४॥  
एको व सन्निपातो मे सावकानं महेसिनं  
अड्ढतेळससतानं भिक्खुनासि समागमो ॥५॥  
विरोचमानो विमलो भिक्खुसङ्घस्स मज्झतो  
ददामि पत्थितं सब्बं मणी व सब्बकामदो ॥६॥  
फलं आकङ्खमानं भवच्छन्दजहेसिनं  
चतुसच्चं पकासेसि अनुकम्पाय पाणिनं ॥७॥  
दसवीससहस्सानं धम्माभिसमयो अहु  
एकद्विन्नं अभिसमयो गणनातो असङ्खेय्यो ॥८॥  
वित्थारिकं बहुजञ्जं इद्धं फीतं सफुल्लितं  
इध मय्हं सक्खमुनिनो सासनं सुविसोधितं ॥९॥  
अनासवा वीतरागा सन्तचित्ता समाहिता  
भिक्खू नेकसता सब्बे परिवारेन्ति मं सदा ॥१०॥  
इदानिये एतरहि जहन्ति मानुसं भवं  
अप्पत्तमानसा सेखा ते भिक्खु विञ्जू गरहित्ता ॥११॥

अरिपज्जसं थोमयन्ता सदा धम्मरता जना  
 बुज्झिस्सन्ति सतिमन्तो संसारसरिता नरा ॥१२॥  
 नगरं कपिलवत्थु मे राजा सुद्धोदनो पिता  
 मय्हं जनेतिका माता माया देवी ति वुच्चति ॥१३॥  
 एकूनतिसवस्सानि अगारं अज्झहं वसिं  
 रामो सुरामो सुभतो तयो पासादमुत्तमा ॥१४॥  
 चत्तारीससहस्सानि नारियो समलङ्कता  
 भद्दकन्वा नाम नारी राहुलो नाम अत्राजो ॥१५॥  
 निमित्ते चतुरो दिस्वा अस्सयानेन निक्खमिं  
 छब्बस्सं पधानचारं अचरि दुक्करं अहं ॥१६॥  
 वाराणसी इसिषत्ते चक्कं पवत्तित मया  
 अहं गोतमसम्बुद्धो सरणं सब्बपाणिनं ॥१७॥  
 कोलितो उपतिस्सो च द्वे भिक्खू अग्गसावका  
 आनन्दो नामुपट्ठाको सन्तिकावचरो मम ॥१८॥  
 खेमा उप्पलवण्णा च भिक्खुनी अग्गसाविका  
 चित्तो च हत्थाळवको अग्गुपट्ठाकुपासका ॥१९॥  
 नन्दमाता च उत्तरा अग्गुपट्ठिकुपासिका  
 अहं अस्समूलत्थमिह पत्तो सम्बोधि उत्तमं ॥२०॥  
 व्यामप्पभा सदा मय्हं सोळसहत्थमुग्गतो  
 अप्पं वस्ससतं आयु इदानेतरहि विज्जति ॥२१॥  
 तावता तिट्ठमानोहं तारेमि जनतं बहुं  
 ठपयित्वान धम्मोक्कं पच्छिमजनबोधनं ॥२२॥  
 अहं पि न चिटस्सेव सद्धिं सावकसङ्घतो  
 इधेव परिनिब्बिस्सं अग्गि वाहार सङ्खया ॥२३॥  
 तानि च अतुलतेजानि इमानि च दसबलानि  
 अयञ्च गुणवरदेहो द्वित्तिस लक्खणाचित्तो ॥२४॥  
 असदिसा पभासेत्वा सतरंसी व चप्पभा  
 सब्बा समन्तरहेस्सन्ति ननुरित्ता सब्बसङ्काराति ॥२५॥  
 गोतमस्स भगवतो वंसो पञ्चवीसतिमो ॥२५॥

## २७—बुद्धपकिण्णकखण्डं

अपरिमेय्ये इतो कप्पे चतुरो आसुं विनायका  
 तण्हङ्करो मेघङ्करो प्रथो पि सरनङ्करो  
 दीपङ्करो च सम्बुद्धो एककप्पम्हि ते जिना ॥१॥  
 दीपङ्करस्स अपरेन कोण्डञ्जस्स नाम नायको  
 एको व एककप्पम्हि तारेसि जनतं बहुं ॥२॥  
 दीपङ्करस्स भगवतो कोण्डञ्जस्स सत्थुनो  
 एतेसं अन्तरा कप्पा गणनातो असङ्खिया ॥३॥  
 कोण्डञ्जस्स अपरेन मङ्गलो नाम नायको  
 तेसं पि अन्तरा कप्पा गणनातो असङ्खिया ॥४॥  
 मङ्गलो च सुमनो च रेवितो सोभतो मुनि  
 ते पि बुद्धा एककप्पे चक्खुमन्तो पभङ्करा ॥५॥  
 सोभितस्स अपरेन अनोमदस्सी महायसो  
 तेसं पि अन्तरा कप्पा गणनातो असङ्खिया ॥६॥  
 अनोमदस्सी पटुमो नारदो चापि नायको  
 ते पि बुद्धा एककप्पे तमन्तकारका मुनि ॥७॥  
 नारदस्स अपरेन पटुमुत्तरो नाम नायको  
 एककप्पम्हि उप्पन्नो तारेसि जनतं बहुं ॥८॥  
 नारदस्स भगवतो पटुमुत्तरस्स सत्थुनो  
 तेसं पि अन्तरा कप्पा गणनातो असङ्खिया ॥९॥  
 कप्पसतसहस्सम्हि एको आसि महामुनि  
 पटुमुत्तरो लोकविद्व आहुतीनं पटिग्गहो ॥१०॥  
 तित्सकप्पसहस्सम्हि दुवे आसिसु नायका  
 सुमेधो च सुजातो च ओरसो पटुमुत्तरो ॥११॥  
 अट्टारसे इतो कप्पसते तयो आसिसु नायका  
 पियदस्सी अत्थदस्सी धम्मदस्सी च नायका ॥१२॥  
 ओरसो च सुजातस्स सम्बुद्धा द्विपटुत्तमा  
 एककप्पम्हि सम्बुद्धा लोके अप्पटिपुग्गला ॥१३॥  
 चतुनवुते इतो कप्पे इको आसि महामुनि  
 सिद्धत्थो सो लोकविद्व सल्लगत्तो अनुत्तरो ॥१४॥

द्वे नवुते इतो कप्पे दुवे आसिंसु नायका  
 तिस्सो फुस्सो च सम्बुद्धा असमा अप्पटिपुग्गला ॥१५॥  
 एकनवुते इतो कप्पे विपस्सी नाम नायको  
 सो पि बुद्धो कारुणिको सत्ते मोचेसि बन्धना ॥१६॥  
 एकर्तिसे इतो कप्पे दुवे आसिंसु नायका  
 सिक्खी च वेस्सभू चेव असमा अप्पटिपुग्गला ॥१७॥  
 इमम्हि भह्के कप्पे तयो आसिंसु नायका  
 ककुसन्धो कोणागमनो कस्सपो चापि नायको ॥१८॥  
 अहं एतरहि सम्बुद्धो म्मेत्तेयो चापि हेस्सति  
 एते पिमे पञ्च बुद्धा धीरा लोकनुकम्पका ॥१९॥  
 एतेसं धम्मराजूनं अञ्जेसं नेककोटिनं  
 आचिक्खित्वान तं मगं निब्बुता ते ससावकाति ॥२०॥

### बुद्धपकिण्णकखण्डं निद्रितं

“अपरिमेय्ये इतो कप्पे. . . . पे. . . . (२७) आदिना  
 अट्टारसगाथा सङ्गीतिकारकेहि ठपिता निगमगाथा वेदितव्वा’ सेसगाथासु  
 सब्बथा पाकटं एवाति”. (मधुरत्थविलासिनी)

१-अत्र वंससमाप्तिः

### २८—धातु भाजवीयक कथा

महा गोतमो जिनवरो कुसिनारामम्हि निब्बुतो  
 धातुवित्थारिकं आसि तेसु तेसु पदेसतो ति ॥१॥  
 एको अजातसथुस्स, एको वेसालिया पुरे  
 एको कपिलवत्थुम्हि, एको च अल्लकप्पके ॥२॥  
 एको च रामगामम्हि, एकोच वेठदीपके  
 एको पावेय्यके मल्ले, एको च कुसिनारके ॥३॥  
 कुम्भस्स थूपं कारेसि ब्राह्मणो दोणसव्हयो  
 अङ्गारथूपं कारेसुं मोरिया तुट्ठमानसा ॥४॥



अट्ट सरीरिका थपा, नवमो कुम्भचेतियो  
 अङ्गारथूपो दसमो तदा येव पतिट्ठितो<sup>१</sup> ॥५॥  
 एका दाठा तिदसपुरे, एका नागपुरे अहु  
 एका गन्धारविसये, एका कालिङ्गराजिनो ॥६॥  
 चत्ताळीससमादन्ता केसा लोमा च सब्बसो  
 देवा हरिसु एकेकं चक्कवालपरम्परा ॥७॥  
 वजिरायं भगवतो पत्तो दण्डञ्च चीवरं  
 निवासनं कुसघरे पच्चत्थरणं कपिलव्हये ॥८॥  
 पाटलिपुत्तनगरे करकं काय-बन्धनं  
 चम्पायं उदक-साटिका उण्णलोमञ्च कोसले ॥९॥  
 कासावञ्च ब्रह्मलोके वेठनं तिदसे पुरे  
 पासाणके पदं सेट्ठं यञ्चापि अञ्चुत्तिपदं  
 निसीदनं अवन्तिपूरे रट्ठे अत्थरणं तदा ॥१०॥  
 अरणी च मिथिलायं वेदेहि परिसावनं  
 वासिसूचिघरञ्चापि इन्दरट्ठे पुरे तदा ॥११॥  
 परिक्रारं अवसेसं जनपदे अपरन्तके  
 परिभुत्तीनि मुनिना अकंसु मनुजा तदा ॥१२॥  
 धातुवित्थारिकं आसि गोतमस्स महेसिनो  
 पाणिनं अनुकम्पाय अहु पोरानिका तदाति<sup>१</sup> ॥१३॥

धातुभाजनियकथा निट्ठिता

बुद्धवंसो निट्ठितो

Ph. :—

रेवतो सोभितो बुद्धो पट्ठमो द्विपट्ठमो  
 सुमधे सत्थदस्सी च फस्सो च वेस्सभू जिनो

Phayne Ms. अत्र योज्यते :—

<sup>१</sup> डरग्हिस्सं चतुरो दथा अक्खगा द्वे च धातुयो  
 असम्भित्ता इमा सन्ता सेसा भित्ता च धातुयो ॥१॥  
 महन्ता मुग्गमला च मज्झिमा भित्तन्हुला  
 खुद्द का स सपमत्ता नानावण्णा च धातुयो ॥३॥

कोणागमनो गोतमो नवर्षं धाता वित्थता  
 सोळसन्नं अविथारा ते पि वन्दामि धातुयो  
 सहस्सद्विसता गाथा चतुसट्ठि च पिण्डतो  
 पधानमादि पेय्याले निमुग्गा वस गायका  
 अहु कप्पिलपेय्याले निमुग्गा पन चुद्दस  
 'The phayne Ms.

उण्हिस्सं चतुरो दथा अक्खगा द्वे च धातुयो  
 असम्भित्ता इमा सत्ता सेसा भित्ता च धातुयो ॥१॥  
 महत्ता मुग्गमत्ता च मज्झिमा भित्तन्दुला  
 खुद्दका स सपमत्ता नानावण्णा च धातुयो ॥२॥  
 महत्ता सुवणणवण्णा मुत्तवण्णा च मज्झिमा  
 खुद्दका मकुलवण्णा च सोळसदोणिमत्तिका ॥३॥  
 महत्ता पञ्च नाळियो नाळियो पञ्च मज्झिमा  
 खुद्दका च छनाळि च एता सब्बीपि धातुयो ॥४॥  
 उण्हिस्सं सीहले दीपे ब्रह्मलोके च वामकं  
 सीहले दक्खिणक्खञ्च सग्वा पेता पत्तिट्ठिता ॥५॥  
 \*३० महापरिनिब्बानसुत्तं, Childers. pp. 70, 71.